



# Wantok



True  
Buli Bif  
Bilong  
PNG.

Namba 1911

Epril 7 - 13, 2011

Niuspepa Bilong Yumi Ol PNG Stret!

K1 tasol



Sabina's Corner

English:

The 'Most Corrupted' nation in the Pacific -P4

Pisin:

Namba wan 'Korap Kantri' long Pasifik-P5

## Liklik Saina long Basamuk...



PLES SAINA O?: Wanpela stail glas haus bilong Ramu NiCo long Basamuk i luk olsem yu stap long ples Saina long ovasis. Tasol nogat, yu stap long ples Basamuk long Madang provins. Poto: James Kila. Moa stori long Liklik Saina i stap long pes 15...

## Saina helpim long K1.7 bilion namel long 2005 na 2009

... tasol i givim wantaim bel o nogat?  
Paul Zuvani i raitim

**WANPELA** ripot we liklik taim bai kamaut long pablik long Australia i toktok long bikpela helpim em Saina gavman i givim long ol Saut Pasifik kantri.

Ripot we Fergus Hanson, bilong Lowy Institut long Sidni, Australia i kamapim i tok long 2005 i kam inap long 2009, Saina gavman i givim olsem K1.7 bilion mani long ol Saut Pasifik kantri.

Tasol askim em i mekim em:

- Saina i minim tru long bel na givim helpim o;
- I gat hait tingting long mekim nem na helpim em yet?

Dispela mani i no fri mani tasol i kam olsem liklik dinau mani em i givim long ol ailan kantri na dispela i kisim tu Papua Niugini.

Hanson i go moa na askim sapos dispela dinau Sainia i save kolim eid mani i trupela helpim Saina i givim wantaim bel o nogat?

Em i tok nogut dispela mani em i givim long kamapim nem tasol, bilong "mi pasin."

Long mekim klia amamas helpim Saina i givim long PNG long dispela taim, Wantok Niuspepa i givim ol askim long PNG Tresari Dipatmen tasol i no kisim bekim long taim em i go long prin.

Tasol long ripot bilong Hanson em i tok PNG i kisim dinau mani long Saina long kamapim ol projek we bai strongim ekonomi bilong kantri, kamapim moa wok, daunim turangu pasin na helpim long bekim bek ol dinau.

Nau yet em i kisim tupela konsesinel lon em long kamapim Komyuniti Kolis we i projek bilong Edukesen Dipatmen na narapela em Integrated Gavman Infomesen Sistem.

Long dispela wik yet Nesenel Eksekutiv Kaunsil i tok orait long askim long kisim tupela moa dispela kain lon.

*I go moa long pes 2*

## FRI bihain long 2pela SMS

Salim tupela sms. kisim 18 Fri sms



Kisim 20 teks long prais lo tupela teks tasol!

Sapos yu salim tupela teks namel long 7am monin na 9:59pm nait bai yu kisim 18 teks fri behain long em.

### Digicel

Bikpela, Storpela moa Network bilong PNG.

Digicel Terns na Kondisen bai stap.



## OCEAN BLUE TUNA

*Getpela abus tru na i no dia tumas!*

### OX & PALM



# Gavman na NDB laikim moa PNG bisnis mas kamap



## Helpim givim sevis

SIOS, GAVMAN na ol grup nabaut i stap bilong sevim na helpim ol pipel. Sios i stap bikos Kraiss yet i kirapim sios na yumi ol man bilong graun i nidim sios long helpim yumi sindaun gut long graun na bilong painim rot i go long heven.

Sios i stap bilong autim bilip long Bikpela na Ridima bilong man, Jisas Kraiss. Long mekim dispela wok, sios i save skulim, soim rot, na strongim ol manmeri long kamap holi na stap pikinini tru bilong God. Sevis bilong sios i mas karim kaikai long tupela sait. Em long helpim man long ol sevis bilong lukautim sol na long sindaun bilong man hia long graun. Katolik Sios i save strong tru long ol lotu na pre, ol stadi long buk Baibel na save long God. Na long ol Sakramen na wok bilong Holi Spirit.

Sios i gat ministri long helpim ol turangu lain i gat kankain sik, ministri bilong skulim ol yut na yumi ol man long pasin bilong gutpela sindaun na pasin bel isi – Jastis na bel isi. Ministri long HIV i stap na i mas i stap bikpela wok tru insait long Katolik Sios.

Gavman i stap bikos ol manmeri bilong PNG i laikim gavman na i kirapim dispela kain gavman na loa. Em i olsem, ol pipel yet i gavman na husat i kamap pablik sevan ol politisen o holim narapela namba o wok, em ol i stap aninit long ol pipel na i mas sevim ol. Gavman i stap bilong sevim ol pipel. Helpim ol pipel em nambawan wok bilong gavman! Olsem na lukautim helt, edukesen, lo ana oda, wokabaut, komyunikesen na sindaun bilong ol pipel em i wok tru bilong gavman na pablik sevis.

Tu, i gat ol wanwan grup nabaut, ol i kirapim bilong sevim ol pipel.

Planti taim, sios o gavman o grup i save lusim as tingting o spirit i bin stap long bel long taim ol i kirapim wok. Planti i lusim tingting long ol pipel na risosis bilong ol i pas long lukautim sindaun bilong ol yet. Mi lukim, dispela samting i kamap long PNG tude. Ol "sevis deliveri" i slek olgeta. Mi laik stori long we dispela samting long HIV/ AIDS ministri. Mi go bek 10-pela yia samting long taim ministri bilong HIV/AIDS i nupela na namba bilong ol siklain i liklik.

Tenpela yia i go pinis, mipela i bungim "man na meri" na "pikinini" i karim hevi long AIDS. Wanwan i gat nem na stori! Ol lain insait long ministri i trai hat long helpim ol long karim dispela kruse. Long dispela taim, i nogat strongpela marasin ART we i kamap tasol long yia 2004. Bipo long 2004, mipela i wok long painim ol nes na dokta bilong kontrolim sik i save kam wantaim HIV na AIDS – ol i kolim "OI's" (opportunistic infection). Na tu long helpim ol long kaunseling, sapot grup, na kaikai na basfe samting. Mipela i helpim ol na wokabaut wantaim ol i go inap long indai. Na bikpela namba tru bilong ol indai pinis! Long dispela taim wanpela man i tokim mi, Jude, yu gat gutpela ministri tru, yu redim man long indai. Mi bekim em, nogat, ministri bilong mi em bilong helpim man i stap laip. Na dispela samting i kamap tru taim ol marasin ART i kam long yia 2004.

Nau mipela i senisim tok long AIDS i go long HIV na AIDS. Planti wantaim ART i no AIDS moa, nau ol HIV tasol. Nau planti i kisim sans long namba tu laip inap tude wantaim ART. Ministri i go long ol pipel.

Tasol planti man na meri i wok insait long HIV/AIDS ministri i no save bungim man i sik. Ol i save toktok wantaim long kompyuta, mobail fon na intanet. Ol i kisim bikpela potnait pe long mekim wok tasol long bungim ol siklain, nogat.

I luk olsem, planti mani i lus nating long potnait pe, long opis na kankain ripot samting, tasol liklik mani na risos i go long ol lain i nidim, lain i gat HIV pinis.

Narapela samting, Ol helt dipatmen i sotkat nau. Ol siklain i tok, planti ol dokta na nes i nogat gutpela save long sik HIV na AIDS. Planti i ting, sapos man i dring ART bai em i orait.

Dispela tingting i krangi. ART marasin em bilong kontrolim na banisim liklik binatang HIV, i no bilong rausim na pinisim sik. HIV bai stap long bodi na kankain wari bai kamap. Ol OI's bai kamap yet na ol siklain i nidim helpim long ol klinik long winim ol dispela sik.

Tasol i luk olsem helt dipatmen i lusim tingting long dispela sait bilong HIV.

Long 2010 mi lukim planti ol HIV lain i dai bikos kain kain sik, i no HIV i winim ol. Helt Dipatmen i nidim sampela spesel klinik bilong lukautim siklain. Em sevis nau. Na tu Katolik sios insait long Pot Mosbi mas kirap na kirapim gutpela klinik bilong lukautim siklain. Na we stap ol arapela sevis bilong helpim ol lain i sik long HIV na AIDS?

**Michael Novingu i raitim**

**GAVMAN bai givim mani long Nesenel Developmen Benk (NDB) long helpim ol manmeri bilong Papua Niugini long kirapim bisnis long kamapim gutpela sindaun bilong ol.**

Dispela em long inapim mak bilong gavman o driman bilong ol long 2050.

Nesenel Developmen Benk (NDB) bai daunim interes ret

long givim dinau mani long ol liklik manmeri long ples long kirapim bisnis bilong ol.

Minista i bosim mani, Peter O'Neill, i mekim dispela toktok long taim bilong askim long PNG manmeri bisnis kibung long Kokopo dispela wik Tunde.

Mista O'Neill i tok gavman bai helpim NDB long givim dinau mani long ol manmeri bilong Papua Niugini, daunim intares long bekim longpela taim.

Em i tok, gavman bai givim sapot long NDB long wok bung wantaim ol manmeri bilong Papua Niugini long kirapim bisnis bai inapim wok bisnis bilong kantri long painim driman bilong gavman long 2050.

"Gavman i mekim asua pinis bipo, olsem na yumi lainim long ol dispela asua long helpim pipel bilong Papua Niugini," O'Neill i tok.

O'Neill i tok wok bisnis o ikonomi bilong

kantri em gutpela, em i laikim ol manmeri bilong PNG mas stap insait long kirapim wok bisnis long apim wok bisnis o ikonomi bilong kantri long kisim gutpela sindaun bilong ol.

Em i askim ol lain ejensi bilong gavman long wok bung wantaim long lukim divelopa long Likwifait Netseral Ges (LNG) projek na ol arapela maining projek mas givim wok bisnis long ol manmeri bilong

Papua Niugini.

Mista O'Neill i tok, "Bihain long tripela ten siks (36) krismas, mipela i kisim independens, ten pesen (10%) tasol em ol bisnis ol manmeri bilong PNG i papa long en.

Nainti pesen (90%) bisnis em ol manmeri bilong arapela kantri i papa long en. Dispela i no gutpela tumas," O'Neill i tok.

O'Neill i tok ol manmeri mas wok bung wantaim long kirapim bisnis long apim ikonomi bilong PNG long kirapim gutpela sindaun bilong yumi.

**SANS POTO YA:** Ol yangpela sumatin bilong yumi i save skin kirap tru taim ol i lukim ol potografa man bilong ol niuspepa o TV. Long wanpela bung bilong lukim Gavana bilong NCD, Powes Parkop i givim wanpela bas long Marianne Sekonderi Skul long NCD, ol yangpela meri sumatin bilong Marianne i bin lukim potografa man bilong Wantok Niuspepa, na ol i soim ol kain kain stail na amamas bilong ol.

*Poto: Nicky Bernard.*



## Dion tok wok bisnis ken karim provins

**Michael Novingu i raitim**

YUMI mas wokbung wantaim long kirapim bisnis long helpim sindaun bilong ol manmeri bilong Papua Niugini.

Stretim sindaun bilong manmeri pastaim, bai ol i helpim yu long kirapim wok bisnis i go het.

Gavana bilong Is Nu Briten, Leo Dion, i mekim dispela toktok long wanpela bung kaikai bilong ol PNG manmeri bisnis kibung long Kokopo Sekondari skul long Tunde dispela wik.

Dion i tok, "Mipela i lukautim provins bilong mipela i no

larim wok politiks i kam bagarapim bisnis bilong mipela."

Em i tok long 20 krismas i go pinis, "mipela i pundaun, tasol nau mipela i pundaun bek long go het long wokim bisnis long kirapim gutpela sindaun bilong ol pipel long Is Nu Briten.

"Mipela i kirapim gutpela wok bisnis bikos ol sios, manmeri, NGO, ol yut, mama grup i wok bung wantaim long kisim developmen i kam long provins.

"Long dispela as, mipela i sanap strong long tupela lek bilong mipela i askim gavman

long Atonomas Gavman long lukautim mipela yet," Dion i tok.

Em i tok ol pepa wok i go pinis long gavman, na nau provinsel gavman i wetim tok orait i kam bek bai ol i lukautim ol yet.

Em i tok wok bilong lukautim manmeri long kirapim developmen i no wok bilong wanpela man tasol nogat em i wok bilong olgeta manmeri long lukim provins i groa na go het.

Dion i tok, mipela i bilip long trupela na stretpela pasin long karimaut wok i lukim mipela i gat planti bisnis we Is Nu

Briten provinsel gavman i go pas long en, moa yet em i tok ol han bilong gavman long ENB provinsel gavman i wok bung wantaim i lukim i karim kaikai.

Dion i tok, mipela i save kros na belhat long ol woklain bilong gavman i no save wokim gut wok.

Em i tok bisnis han bilong E.N.B provinsel gavman, E.N.B Koporesen i mekim gut wok long givim sevis long ol manmeri bilong ol.

Dion i tok ol bai surukim bisnis i go long Momase rijen na arapela hap bilong kantri.

## Saina helpim 1.7 bilion namel 2001 na 2009

**I kam long pes 1**

Dispela em long kamap namba wan hap bilong Pasifik Merin Industriyel Zon (PMIZ) long mani mak bilong K120 milion na wanpela domitori long Yunivesiti bilong Goroka (UoG) long mani mak bilong K108 milion.

Dispela mani PNG gavman bai mas bekim namel long 5-pela yia.

Long wok bilong invesmen bikpela invesmen Saina i

mekim long PNG em long Madang Ramu Nikel Main projek.

Dispela mani i sas olsem K1.7 bilion long Saina Maining kampani i yusim long kamapim projek.

Saina nau i kamap olsem namba tri bikpela kantri we PNG i kisim helpim mani o dinau mani bihainim Australia na Siapan.

Tasol askim em dispela ol

helpim na invesmen Saina i minim long helpim narapela man o i laikim helpim em yet!

Dispela ol toktok i kamap bikos Hanson i tok sampela ol kantri olsem Tonga na Cook Ailans nau klostu bai bruk daun bikos ol i no inap long bekim dinau mani long Saina.

Na taim kantri i no inap bekim, Saina i ken kisim ol samting long dispela kantri o sanapim ol samting bilong em

long dispela kantri na mekim nem bilong em i go moa bikpela long Pasifik rijen.

Inap olsem 16 pesen ikonomik groa (GDP) bilong Tonga em dinau mani em i kisim long Saina.

Na taim Tonga i askim sapos Saina inap lusim tingting long bekim dispela ol konsesinel lon, Saina i tok nogat.

# Ol tisa long kantri kisim 16 pesen pe go antap

Veronica Hatutasi i raitim

**GUTPELA nius bilong samting olsem 46,000 tisa long kantri bai kisim 16 pesen pe i go antap, stat long dispela yia Janueri na long tripela yia i kam inap long yia 2013.**

Pe i go antap i bihainim sainim bilong Agrimen ol i kolim long Memorandum ov Agrimen (MOA) i bin kamap namel long Tising Sevis Komisn (TSC), PNG Tisas Asosiesen (PNGTA) na Sekreteri bilong Pablik Sevis Komisn (PSC) long PNG Tisas Edukesen Institut (PNGEI) aste moning.

Aninit long MOA, Kabinet long las wik i bin tok oraitim K300 milion long stretim ol tisa long sait bilong potnait pe, ol alauwens, akomodesen na Domestik Maket Alauwens (DMA) na ol tisa i wok long ol longwe skul insait long ol rurel eria bilong kantri.

Sampela ol tisa, ol sumatin i skul tisa long PNGEI, ol bikman long PNGTA, TSC, DPM, Leba na Industriel Rilesens, Edukesen Dipatmen na midia i bin pulapim PNGEI Hal long lukim saining seremoni long gutpela pekej we ol bikman bilong TSC na PNGTA i bin stretim bilong ol long wan na hap yia toktok.

DPM Sekreteri, John Kali, taim em i tok amamas long gutpela kaikai we ol toktok i bihainim Pablik Sevis Menesmen Ekt i kamapim, i bin tokim ol tisa long wok gut bikos gavman i mekim gut long ol.

"Long gutpela samting gavman i givim long ol, ol tisa i mas mekim gut wok. Stap long wok long taim stret, luk gut moa na mekim ol samting gut long ai bilong pablik. Wok gut na kamapim wok," Sekreteri Kali i tok olsem long olgeta tisa long kantri.

Mista Kali i tok Kabinet bung bilong em long wokim disisen long dispela samting las wik i bin amamas long sapatim pe go antap bilong ol tisa, tasol long wankain taim, ol tisa i mas mekim wok stret.

Pe i go antap em i luksave gavman bilong dispela kantri i givim long ol tisa long ol dispela as tingting:

- Pe bilong ol kaikai na ol narapela samting long stoa na maket, haus, kisim



SAINING AMAMASIM OL TISA: DPM Sekreteri, John Kali wantaim TSA Kea Teka Jerry Kuhena, TSC Komisina Rose Amos, PNGTA Presiden, Tommy Hecko na ol narapela bik manmeri i sainim MOA i karamapim pe na alauwens i go antap bilong ol tisa aste long Mosbi.

Poto: Veronica Hatutasi

## Fekt Fail:

- MOA gat K300 milion Kabinet tok oraitim long stretim ol tisa long 2011 inap 2013;
- Karamapim 46,000 tisa long elementeri i go long sekonderi, vokesenel na tisas kolis;
- 16 pesen pei go antap bai kisim moa tisa i kam na stopim ol tisa lusim wok go long narapela hap;
- Helpim ol tisa bikos prais bilong ol samting long stoa, haus na laip i go hat;
- Luksave long moa wok long ol tisa bikos long eduksen rifom na moa yet UBE;
- Ol nupela tisa na ol dispela long TS2.1 level bai kisim K120 moa Tisa Sevis Alauwens antap long potnait pe bilong ol;
- K3,000 bilong ol tisa i wok long ol longwe rurel skul long wanpela yia;
- K2,000 boding skul na bihain long skul wok duti alauwens bilong ol prinsipel;
- Go antap long Domestik maket Alauwens bilong ol Het na Deputi Het na ol leksera long ol bikpela skul na kolis;
- DPM Sekreteri tokim ol tisa long wok gut, putim gutpela klos na soim gutpela piksa;
- Ol toktok long pe go antap kisim wan na haf yia tasol olgeta i amamas.

ol sevis na ol narapela samting i go antap na mekim ol tisa i kisim hatpela taim;

- Moa wok bikos moa sumatin

long ol klas bihainim Yunivesel Besik Edukesen (UBE);

- Moa wok bikos long ol eduksen

rifom;

- Pe go antap long olgeta level tisa na moa yet, ol nupela tisa i pinisim tripela yia Diploma kos tisa trening na pe bilong ol i stap daunbilu;

- Luksave long ol tisa i wok long ol ples i longwe skul long ol rurel eria;

- Ol tisa i lusim wok bikos long planti wok na liklik pe na kisim wok long narapela hap.

Presiden bilong PNGTA, Tommy Hecko, i tok maski ol toktok i bin kisim longpela taim long karim kaikai, em i amamas bikos ol bin bihainim gutpela rot long glasim na skelim ol toktok na kamap wantaim gutpela samting ol i lukim kaikai bilong em tude.

"Mipela i wei longpela taim long ol toktok i kisim wan na haf yia, tasol mipela i amamas olsem mipela i kisim samting we mipela i askim long en.

"Ol toktok i bihainim nupela kalsa na i no olsem long ol yia pastaim we mipela i save krosipait. Tasol nau, mipela i bihainim belgtu pasin na toktok we i karim gutpela kaikai," Mista Hecko i tok.

Em i askim ol tisa long stap isi na wet samting olsem wanpela mun long lukim nupela pei peket bilong ol bikos bai em i kisim taim long ol woklain long stretim na wokim ol senis na putim i go long kompyuta sistem.

Kea teka na wanpela long ol Komisn abilong TSC, Jerry Kuhena, i tok ol elementeri skul tisa long kantri bai kisim pe go antap, bihainim tu ol wok awa bilong ol bai go natap long 6-pela awa long dispela yia, 6 na haf awa neks yia na 7.35 awa long 2013.

Em i tok ol beis level 2 tisa husat i kam inap nau i kisim K12,773 long wanpela yia bai lukim pe bilong ol i senis i go long K14,039 long dispela yia, K17,481 neks yia na moa i go antap long 2013.

"Pe i go antap bai kisim moa tisa long sistem na holim bek ol tisa i wok nau i stap," Mista Kuhena i tok.

Em i tok kantri o sot long 8,000 tisa bikos long ol hevi bilong pe i no gutpela i wok long lusim na go long ol narapela wok.

# KIKSTATIM DEI WANTAIM



# The 'Most Corrupted' nation in the Pacific

**THE recent announcement that public servants will now have their salaries increased is a welcome development. However, the question the public is asking is: what is the motive of the Somare Government to make such an announcement now, 12 months before the coming national elections?**

Is this another political gimmick, of which we shall see many more, given that the national elections are now at our door steps?

We have seen this case scenario played out every 5 years as the national election year draws nearer. Heavy plant and machinery will commence major road works well into the elections but as soon as counting starts and winners are announced, the road works will cease and machinery will be withdrawn, thus leaving the roads incomplete.

In some regions, classrooms, dormitories and teachers houses were built last year commissioned by National Alliance politicians. Some of these buildings, especially teachers' houses, are more like match boxes. The strange thing is that the construction companies with white foremen were companies never heard of in the areas concerned. These construction companies were "ghost companies" nominated by the national parliamentarian concerned. And the worse aspect of this case scenario is that each of the match box houses cost about K80, 000 to build. Who are the owners of these companies? The answer is: the honorable members themselves and their associates. They are the ones who also pick up the road construction works in their individual electorates for an inflated sum.

Thus, seen in the above light, it is a fair statement to suggest that the hefty pay increase for public servants now is one of those election related stunts by the National Alliance party which will not be implemented sooner as expected. The public servants will most likely get to see a small increase in their pay packets, but the bulk of the amount promised will not come about sooner. It will end up being one more promise by this government which will be left to short itself out after the elections.

Look at the recent strike action by the medical doctors who run the government's health program in this country. These local doctors went on a strike because the long-promised employment benefits did not materialize. Despite their plea to the government and the health administrators directly responsible for the doctors' welfare, these people responsible ignored the doctors' claims for improved working conditions. As a direct consequence to the lack of response, the doctors went on a strike.

And how does the national government response to the doctors' industrial action. The Attorney General, Sir Arnold Amet orders the Solicitor General to apply for an injunction from the national Court to



prevent the doctors taking strike action. Is this the right way to respond? The prominent Western Member of parliament, Bob Danaya, called the Government's response "cowardly action".

We find the action by the Government rather irresponsible.

Here we have an Attorney General, who, over the years he had been Chief Justice, has held himself out openly as a senior member of a Christian organization, and yet he showed no compassion for the doctors who had genuine claims for improvement in their terms and conditions of employment. Instead he rushed to the court house for an injunction to stop the strike action.

And then look at the Attorney General's boss, Sir Michael Somare.

Here is a man we call, "the father of the nation".

Let us now ask Sir Michael one simple question: Are you worthy of this title?

Look at what the father of the nation and his government did last year:

They removed the power of the Ombudsman Commission to give them directions to stop them from misusing public money. The amendment to the Leadership Code allows them to spend public money as they like, so long as the money has been approved in the national budget for that year.

With the above amendment, Sir Michael and his ministers made public statements telling us that they have not cut down the powers of the Commission. They went on to say that they have increased the powers of the Ombudsman Commission. This is not correct. They lied to us.

Then they passed the Environment Amendment Act allowing the Director of the public body responsible for the environment to grant a Certificate to a mining or petroleum company to do as it pleases with regard to the environmental safeguards and at the same time removing the people's rights to take the company to court on environmental issues.

And just recently the father of the nation was convicted on 13 counts of breaches of the Leadership Code and suspended from Office for 14 days. And the father of the nation is laughing about the whole thing. He thinks it was a big joke to take him to court or breaking the country's laws. He is the law. So who is complaining?

The public then asked police for clearance to conduct a public demonstration to show their dissent, but the police refused. What was the basis of the police decision to refuse the people's constitutional right to hold public gatherings to express their views on matters of public importance? Are we not entitled to hold public gatherings to address any issues of national concern? What is this country now turning out to be? Is this Syria, Libya or Yemen? When are people entitled to voice dissent, or are they supposed to keep bottling it until it becomes explosive like what is now happening in North Africa and the Middle East?

Our so called father of the nation and his government has allowed open members to walk around the country with K10 million every year, but we cannot see any signs to tell us that the money is being spent in each electorate. What does the member do with that money each year? How much is spent in the electorate and how much does he spend on himself and his family and his associates?

Take for instance, a helicopter company owned by a politician's family member. It is said that this helicopter company has already been earmarked to pick up a massive K60 million contract to ferry electoral officers around the country during the national elections. The company has already started to increase its fleet of helicopters in readiness for the occasion. We suggest that the Ombudsman Commission write to all the helicopter companies in the country asking them to disclose if any politicians and their families are beneficial owners of any of their shares and likewise they ask each of the national members to disclose any interests in any helicopter companies.

Year in and year out thousands of school age kids are thrown out of schools because the parents cannot afford to pay school fees. And yet the government tells us that education is a right that belongs to every child in this country. And what is the father of the nation and his government doing about that? Plenty of talk and no action is what they do year in and year out. And look at where these members of parliament educate their kids: in Australia, of course. And look at where they go for medical treatment? Singapore, of course, and not the 3-Mile General Hospital which is reserved for us, the ordinary people.

And the list of the wrong doings under the leadership of this 'father of the nation' is endless.

What stands out so clear and loud is this: In his 40 years of leadership, Sir Michael has not left the nation anything of substance by which the people could remember him and say, "Sir Michael Somare did this for us or left us this".

What people will remember Somare for is that he was the biggest survivor in PNG politics and during his political career PNG became the most corrupted nation in the South West Pacific.

# Namba wan 'Korap kantri' long Pasifik

**TOKSAVE** i kamap olsem ol pablik sevan bai kisim apim long potnait pe bilong ol em i gut-pela samting.

Tasol askim pablik i gat nau em: wanem as tru na Somare gavman i mekim dispela tok-save nau, 12-pela mun pas-taim long ol nesenel ileksen i kamap?

Dispela i mas wanpela pilai politiks gen, we mipela bai lukim planti moa i kamap, bikos nesenel ileksen i kamap pinis long haus dua bilong yumi.

Yumi lukim dispela pasin i save kamap olgeta 5-pela yia taim nesenel ileksen kam klostu.

Ol bikpela masin bai go het na kirapim ol bikpela rot wok i go insait long ileksen. Tasol taim wok kaunim i kirap, na ol wina i kamap ples klia, wok long rot bai pinis na olgeta masin bai lus nating. Em nau bai rot i sindaun nating, na wok bai no inap pinis gut.

Long sampela provins, ol klasrum, rum slip na haus slip bilong ol tisa em sampela ol memba bilong Nesenel Alaiens i bin sanapim. Sampela long ol dispela bilding, na moa yet ol haus slip bilong ol tisa, em i olsem ol masis bokis. I krangi tru bikos ol dispela konstraksen kampani wantaim ol waitman foman em ol kampani we i nogat save tru long mekim wok long ol dispela ples. Ol dispela konstraksen kampani em ol "tewel kampani" we ol nesenel memba yet i makim long mekim wok. Na hevi yet i stap long manimak bilong wan wan long ol dispela haus, em K80,000 samting. Husat tru i bosim ol dispela kampani? Bekim i isi tasol: em ol honorabel memba yet na ol wan-pisin bilong ol. Ol tasol i wok winim olgeta wok rot konstraksen insait long wan wan ilektoret bilong ol long manimak we i abrusim tru mak bilong wok.

Olsem na bihainim dispela luksave antap, em i stret long tok olsem ol dispela solap long



pe bilong ol pablik sevan, em i mas wanpela long ol dispela tok giaman bilong Nesenel Alaiens pati, we bai no inap karim kwik kaikai. Ating ol pablik sevan bai lukim wanpela liklik apim insait long pe paket bilong ol, tasol bikpela hap bai no inap kam hariap. Em bai kamap wanpela long ol dispela giaman tok promis bilong dispela gavman we bai stretim em yet bihain long ileksen.

Yupela lukim dispela straik bilong ol medikal dokta? Em ol lain husat i save lukautim helt program bilong gavman insait long dispela kantri. Ol dispela lokol dokta i strak bikos long-pela taim na ol i no lukim ol wok benefit bilong ol. Maski ol i askim gavman na ol helt administreta i mas lukluk long dispela wok, ol lain ya i save pasim iau na ai long krai bilong ol dokta. Em nau, bikos i nogat gutpela bekim, ol dokta i straik.

Na wanem kain bekim tru i kam long gavman? Atoni Jeneral, Sir Arnold Amet, i givim oda long Solisita Jeneral bilong aplai long wanpela injangsen long nesenel kot long pasim ol dokta long mekim kamap dispela straik. Dispela em i stretpela bekim bilong givim? Biknem Westen provins memba, Bob Danaya i tok dispela pasin em i "pasin bilong pretman".

Mipela yet i ting dispela pasin gavman i mekim i nogat pasin bilong ol lain i gat gutpela tingting na save.

Hia mipela i gat wanpela Atoni Jeneral, husat, long ol yia i go pinis, i telemautim em yet olsem wanpela memba bilong sios, tasol nau em i no soim belsore bilong ol dokta husat i gat gutpela as long laikim luksave. Nogat tru. Em i spit i go long haus kot long

kisim wanpela injangsen long pasim dispela straik.

Na bihain yumi lukluk long bosman bilong Atoni Jeneral, em Sir Michael Somare.

Dispela man em mipela i kolim em "papa bilong nesen".

Nau yumi mas askim Sir Michael wanpela liklik askim tasol: 'Yu inap long dispela nem o nogat?'

Yumi lukluk moa long ol samting 'papa bilong nesen' na gavman bilong em i mekim long yia i go pinis:

1. Ol i rausim pawa long Ombudsman Komisin long givim ol oda long pasim ol long yusim nating mani bilong pablik. Amenmen o senis long Lidasip Koud i larim ol i ken yusim pablik mani long laik, sapos em i gat luksave na stap pinis insait long nesenel baset bilong wan wan yia.
2. Wantaim dispela senis ol i mekim antap, Sir Michael na ol minista bilong em i tokim mipela olsem ol i no katim rausim olgeta pawa bilong Komisin. Ol i tok moa olsem ol i strongim pawa bilong Ombudsman Komisin bai ol i gat moa pawa. Dispela i no stret. Ol i giaman mipela pinis.
3. Bihain ol i oraitim Envaironmen Amenmen Ekt we i larim Dairekta bilong envaironmen opis long givim tok orait setifiket i go long maining o petrolium kampani long mekim samting long laik bilong em, maski i gat banis bilong lukautim busgraun i stap. Long wankain taim, em i rausim tu rait bilong ol pipel long kisim kampani i go long kot sapos busgraun na wara bilong ol i bagarap.
4. Na i no longpela taim i go pinis, papa bilong nesen i bin kisim sas na kot i painim em i asua long 13-pela kaun long em i brukim Lidasip Koud. Em i kisim mekim-save saspensen long opis inap 14 de. Na nau, papa bi-

long nesen i lap gut na stap. Em i ting i mas wanpela liklik tok pilai long kisim em i go long kot o em i brukim loa bilong kantri. Em yet i loa. Olsem na husat i belkros long en?

5. Bihain pablik i no wanbel long dispela na askim polis long givim tok orait long ol i ken mekim wanpela pablik demonstresen long soim belkros bilong ol. Tasol ol polis i tok nogat. Wanem as tru long polis i tok nogat long rait bilong ol pipel long bung wantaim long pablik na autim tingting bilong ol long ol isiu bilong pablik? Yumi nogat rait long bung wantaim long tokpait long ol dispela samting? Kantri i kamap olsem wanem nau? Yumi stap long Syria, Libya o Yemen? Wanem taim bai ol pipel i ken autim belhevi bilong ol? O bai ol i pasim maus tasol inap ol i no inap holim moa, na olgeta samting i pairap na yumi bai kamap olsem nau Not Afrika na Midel Is i bungim hevi?

6. Dispela papa bilong nesen na gavman bilong em i larim ol open memba long wokabaut raun long kantri wantaim K10 milian olgeta yia. Tasol yumi no nap lukim wanpela samting i tok olsem mani i wok go kirapim wok insait long ilektoret. Ol memba i save yusim mani long wanem kain wok tru olgeta yia? Hamas i save go long ilektoret, na hamas i save go long stretim em na famili bilong em yet wantaim ol wanlain bilong ol?

7. Olsem tasol, wanpela helikopta kampani we wanpela famili memba bilong wanpela politisen i bosim. I gat tokwin olsem dispela helikopta kampani i kisim luksave pinis long winim wanpela K60 milian kontrak long karim ol ilektoral opisa raun long kantri long taim bilong nesenel ileksen. Kampani i stat long baim ol nupela helikopta long redi long dispela bikpela wok. Mipela i askim Ombudsman

Komisin long raitim pas i go long olgeta helikopta kampani long kantri, na askim ol long tokaut stret sapos i gat ol politisen na ol famili bilong ol i papa o wok holim sea long kampani, na tu, ol i mas askim wan wan nesenel memba long tokaut long wanem ol wok ol i gat insait long ol helikopta kampani.

8. Olgeta yia planti tausen skul pikinini i nogat sans long go skul bikos ol papamama i no inap baim gut ol skul fi. Gavman i wok long tokim mipela olsem edukesen em i wanpela rait bilong olgeta wan wan pikinini long dispela kantri. Tasol papa bilong nesen na gavman bilong em i mekim wanem long dispela? Planti toktok na nogat wok o eksen i kamap olgeta yia. Na sapos yumi lukluk painim wanem hap ol memba i save skulim ol pikinini bilong ol; bai yumi painim olsem olgeta pikinini bilong ol i skul long Australia. Na ol i save go we long kisim halivim long haus sik? Ol i save go long Singapo. Nogat wanpela bai go long 3-Mail Jeneral Haus sik we mipela ol trutru manmeri bilong kantri i save yusim.

Na ol wok asua aninit long lidasip bilong dispela 'papa bilong nesen' i go yet.

Wanpela samting i sanap ples klia na i toktok bikpela tru em dispela: Insait long 40 yia lidasip bilong em, Sir Michael i no lusim kantri wanpela gutpela samting we ol pipel i ken tingim em na tok, "Sir Michael Somare i mekim dispela na lusim bilong yumi."

Ol pipel bai tingim Somare bilong wanem em i namba wan strongpela man i stap longpela taim tru insait long PNG politiks, na taim em i wok lida long politiks, PNG i kamap namba wan korap kantri insait long Saut Wes Pasifik.

# Vanuatu sumatin winim top awot long UOG

**James Kila i raitim**

**NAMBA 14 greduesen bilong Yunivesiti ov Goroka (UOG) i bin kamap gutpela tru na i lukim planti ol sumatin bilong Saut Pasifik Ailan kantri i kisim ol diploma na digri pepa bilong ol long pinis bilong las mun tasol.**

Akademik Ekselens Awot o sumatin i kisim gutpela mak tru awot i bin go long Agasten Tabi bilong Vanuatu. Agasten bilong liklik ailan bilong Vanuatu ol i kolim Pentekos, na bagaros ya i paul long toktok taim ol i kolim nem bilong em olsem em i kamap namba wan tru long skul wok bilong em long UOG.

Agasten i givim bikpela tok tenkyu na luksave i go long Papa God long was gut long em kisim dispela awot.

"Sapos gutpela tingting na

strong bilong Jisas Kraus i no stap ating mi no inap kisim dispela awot. Mi givim ona na glori i go long Jisas," Agasten i tok.

Em i tok tenkyu tu long ol sponso o lain husat i helpim long peim skul fi bilong em olsem Nu Silan eid, Vanuatu Gavman na PNG Skolasip Menesmen Tim long givim em sans long stadi long kain gutpela institusen olsem UOG long Papua Niugini.

UOG i save kisim planti ol sumatin i kam long ol Pasifik Ailan kantri olsem Solomon Ailan, Kiribati na Vanuatu.

Eksekutiv Opisa bilong UOG Sains fakalti, Charles Akunai, long taim em i tok amamas long Agasten i salensim ol arapela sumatin bilong Pasifik Ailans long stadi strong na kisim gutpela mak long ol kos ol i skul long en.

"Agasten i kisim 8-pela kos

insait long wanpela semesta, na dispela em bikpela lod o wok stret, tasol em i kisim olgeta A mak na dispela i soim tru olsem em i givim stret taim long stadi na givim olgeta tingting bilong em long skul," Mista Akunai i tok.

Dairekta bilong Nesenel Risets Institiut (NRI), Dokta Thomas Webster, husat i bin ges spika long greduesen, i salensim ol sumatin husat i greduet long kamap olsem ol gutpela man na meri insait long klasrum na ol wok ples bilong ol.

"Korapsen i wok long bagarapim planti hap insait long sosaiti bilong yumi na yumi mas sanap strong long pait agensim dispela sik nogut o kensa," Dokta Webster i tok.

Planti ol lain tisa na sumatin i amamas long gutpela toktok Dr. Webster i givim.



TOP MANKI: Vanuatu sumatin Agasten Tabi (lephan) i kisim akademik awot wantaim GPA antap mak long Matematis . Hia em i kisim prais long han bilong UOG Sains Eksekutiv Opisa, Charles Akunai.

## Wok bung long sapatim FODE

ASKIM i go long ol Flexible, Open and Distance Education (FODE) kodineta long wok bung wantaim olsem tim na FODE sistem i ken wok gut.

Ekting Edukesen Sekreteri, Dokta Joseph Pagelio, i wokim dispela askim long pinis bilong wanpela wik wok-sop we 21 FODE kodineta i kam long ol provins i bin sindaun long em long Mosbi las wik.

Dokta Pagelio i askim tu ol kodineta long tingting ausait long bokis na karimaut sampela ol progrem bai helpim FODE na tingting tu long wanem samting ol i ken mekim long helpim FODE sistem i mov fowed.

Long dispela yia, FODE i kisim mani helpim inap long K16.2 milion i kam long Wol Benk (K13.5 milion) na gavman bilong PNG (K2.7 milion).

Dokta Pagelio i bin askim ol kodineta long lainim planti ol samting insait long dispela woksop na taim ol i go bek long ol senta bilong ol,ol i ken go hetim ol ektiviti na kisim ol sevis i go aut long ol provins.

Dokta Pagelio i bin askim ol kodineta long promotim gutpela rot long mekim ol wok na ol i ken prektisim gutpela kalsa we ol wanwok bilong ol long ol senta i ken lukim na bihainim long kamap ol gutpela sempion bilong ol gutpela prektis.

Em bin tok moa tu olsem i moabeta long ol kodineta i senisim tingting bilong ol na amamas olsem fleksibel, open na distens edukesen em ol narapela rot we ol

sumatin husat i no kisim ofa long skruim skul long Gret 9 inap long Gret 12 long nomol edukesen sistem i ken bihainim long go hetim skul.

Em bin tok moa olsem yumi noken lukim FODE olsem sekon klas institusen long ol sumatin bilong kisim skul long en, tasol wanpela rot we ol sumatin i kisim kwaliti edukesen long en.

Dokta Pagelio i mekim klia long ol pipel long dispela kantri i save olsem FODE em i wanpela institusen i kam aninit long Edukesen Dipatmen we i ofaim skul long ol lain i gat laik long apgretim skul bilong ol long Gret 6 inap long 12.

I gat ol FODE senta long olgeta provinsel hetkota bilong kantri. Ol subjek we FODE senta i ofaim em long Inglis, Mets, Saiens, Sosel Saiens na Komes. Gret 12 i ofaim ol matrikulesen progrem long Besik Inglis, Inglis 1 na 2, Mets 1 na 2, Histri bilong Saiens na Teknologi, Saiens na Sosel Saiens.

Wan wan senta long ol provins i gat wanpela FODE kodineta na wok bilong en em long go pas long ol wok olsem enrolmen, ol kos buk, ol maka, ol rekot kat na data na tu, long toktok wantaim ol narapela FODE hetkota.

Em i tok mani ol i kisim long Wol beng na gavman bilong PNG em ol bai yusim long stretim gut ol provinsel senta bilong FODE insait long 5-pela yia i kam bilong helpim ol sumatin i ken gat sans long skruim sekonderi skul bilong ol aninit long FODE progrem.

Em i tok mani ya bai helpim kamapim gut kwaliti bilong ol FODE progremna tu, ol sevis i go long ol narapela hap bilong kantri i no kisim yet dispela sevis.

Em i tok dispela mani bai helpim tu hetkota bilong FODE long kamapim gut ol ICT progrem, raitim gen ol FODE lening metiriel na ol i ken wankain olsem nomol autkam beis kurikulum na tu, helpim moa sumatin long stap long skul na pinisim skul bilong ol.

Ol kodineta na prinsipel i bin autim bikpela amamas long bikpela ol i kisim long dispela skul yia na tok ol bai gat gutpela rekot long ol rot we ol i yusim mani long en na ol bai yusim mani long ol samting i stap long ol wok plen bilong ol.

Dokta Pagelio i bin tokim ol FODE prinsipel na ol kodineta long yusim gut mani bihainim ol anuel plen bilong ol na lukautim gut ol risit bikos dispela em ol bai salim i kam long hetopis i glasim na skelim.

Em bin tokim ol long noken tromoim mani long ol samting i stap ausait long ol wok plen bilong ol na long lukim olsem ol i bihainim gut we bilong mekim ol samting i stap aninit long Fainensel Menesmen loa.

Dokta Pagelio i autim tok amamas long ol FODE opisa husat i bin apgretim kwalifikesen long 2010 taim sampela i wokim insevis long dispela yia long kisim Basela Digri long skul menesmen aninit long Distens edukesen rot long Yunivesiti bilong Goroka.

## Lons long spesim pikinini kempein

...PNG namba tu long wol long ol mama i dai

MOA MAMA i wok long dai long PNG taim ol i karim pikinini, ol dokta bilong Helt Dipatmen ma Populesen Intanesenel (PSI) na ol narapela patna i bin tokaut long taim bilong lonsim helt bebi kempein "Malolo Liklik" long Mosbi.

Mak bilong ol mama i dai em 733 long olgeta 100,000 bebi i stap laip. Na mak i go antap olgeta yia.

Ripot i tok long taun na ol rurel ples wantaim, 5-pela mama i save dai olgeta de long hevi bilong karim pikinini.

PNG em i kamap namba tu long wol we planti mama tumas i save dai long ol sik bihainim karim pikinini. Namba wan em kantri Afganistan.

Dispela progrem ol i lonsim long las wik i bilong givim spes long ol mama long karim pikinini. Na rot long mekim dispela em long yusim kondim o karamap.

Strongpela toktok we dispela projek i laik givim i go au tem spesim ol pikinini bikos planti mama i wok long dai long wanem, ol i nogat malolo na ol i wok long

karim pikinini klostu klostu.

Menesa bilong Famili helt wantaim Nesenel Dipatmen bilong Helt, Dokta William Lagani i tok dipatmen i wari bikos populesen bilong PNG i wok long go antap hariap bikos moa bebi i wok long kamap nau.

Em i tok tu olsem wanpela wok painimaut long ol wok stadi bilong dipatmen i soim olsem planti mama i gat bel klostu klostu em i as long mak bilong ol mama na bebi i dai na kamap na mak i antap tumas long PNG.

"Gutpela helt bilong ol mama i bikpela samting na olsem mipela i enkarijim ol papamama long malolo long tripela yia long spesim ol pikinini," Dokta Lagani i tok.

Em i tok malolo long tripela yia i no min olsem stop long slip wantaim, nogat. Tasol i min olsem yusim kondom na mama i no inap gat bel na tu, daunim ol sik olsem gonoria na ol sik nogut moa olsem.

## Nupela elementeri skul op long Tewi Siassi boda

MOA PIKININI long boda bilong Kabwum na Tewai Siassi long Morobe provins i gat sans bilong go long skul nau bihain ol i opim wanpela nupela elementeri skul long hap.

Wawet Elementeri em dispela nupela skul i bin op long las mun tasol bilong givim sans long ol pikinini bilong ples Wawet na Domut na ol ples klostu.

Skul i bin kirap wantaim gutpela sapat bilong komyuniti yet husat i laikim bai ol pikinini bilong ol i go long skul.

Komyuniti yet i bihainim "self reliance" o pasin bilong mekim samting long helpim ol yet na ol i mekim ol wok long sanapim ol klasrum samting bilong skul.

Long opening bilong skul, moa long 1,000 pipel long Wawet na Domut komyuniti na ol ples klostu i bin kamap long soim amamas bilong ol long nupela skul i op pinis.

Remis Esoka em Ilektoel Menesa bilong Difens Minista na Kabwum, Tewai Siassi memba em Bob Dadae, taim em i amamas

long hatwok we ol papamama i putim long sanapim dispela skul i bin tok edukesen em i bikpela samting na ol papamama i mas salim ol pikinini i go long skul bikos edukesen em i ki long laip.

Mista Dadae yet i bin tok em i wok long sapatim ol yangpela bilong Kabwum na ol bai go lo skul long kisim save na bai gat moa save manmeri bilong Kabwum Distrik.

Distrik Edukesen ed-vaisa bilong Kabwum, Dai-wong Yofa taim em i givim luksave long sapat bilong Mista Dadae, i bin tok. ol



**Yut, Meri na  
Famili  
wantaim  
Lorraine  
Siraba**

## Opim Sans long ol Meri long Mekim ol Disisen.

OLGETA meri long PNG i mas amamas long makim bilong meri loya, Jacinta Murray, olsem namba tu meri jas long Suprim na Nesenel Kot long dispela kantri. Na i no tasol bikos em i meri na em i brukim ol banis long gi insait long wok we ol man tasol i holim, tasol bikos dispela em i luksave long save, wok na lidasip bilong ol meri long PNG.

Lon g komenter i bilong mi las wik, mi bin toktok long ol meri na polituikel lidasip na mi bin serim tu wanpela risets we i soim ol kwaliti ol meri i gat i narakain long ol man we i strongim ol moa long ol wok long lidasip level. Haf long populesen bilong yumi em ol meri na em i bikpela samting long opim moa dua long ol meri i go long lidasip level na kantri bilong yumi i ken ron gut.

Mi sekim intanet long painim hamas meri long wol i stap long lidasip level na painimaut olsem long 179 kantri long wol, 9-pela tasol i gat ol meri olsem ol Gavana Jenerel na rekot long i soim olsem 39 kantri tasol i bin makim meri olsem presiden o praim minista.

Ol rekot i soim tu olsem maski ol gavaman, ol NGO na ol intanesenel ejensi i sainim ol planti agrimen na ol deklarisen i kamap long ol yia i kam inap nau, sampela banis i stap yet i stopim ol meri long muv i go fowet.

Mak bilong ol lidasip posisien ol meri i holim i stap daunbilo yet. i kam inap nau, ol meri i mas mekim tingting bilong ol namel long wok bilong ol na wok olsem mama na lukautim pikinini. Dispela i mekim na planti long ol i no save go antap long level bilong wok bilong ol. Long wokples na long haus, ol meri i no save kisim gutpela helpim long go hetim strong wok bilong ol. Yu no inap lukim tumas ol meri long ol bikpela eksekutiv wok olsem ol bisnis, saiens na politiks. Long nesenel gavman we ol meri i holim ol wok olsem ol minister, ol i save putim ol long lukautim ol eria long sosel, family na kalserel afeas sait.s

Atikel 21 bilong Yunivesel Dekleresen bilong Humen Rait i luksave long rait bilong olgeta man na meri olsem ol i mass tap insait long wok gavman long kantri bilong em. Ol man na meri wantaim i gat pawa, dmekim ol disesen na lidasip long olgeta level i save mekim ol gavman na demokresi i ron gut moa, ol samting i kamap long ples klia na ol samting we ol meri i laikim em ol i luksave long ol long level bilong mekim ol disisen.

Long kolom biulong mi neks wik, bai mi lukluk long ol kain wok ol meri i mekim na ol kwaliti ol i gat we i mekim ol olsem ol i ki pilaia long developim PNG i kamap helti, welti na gutpela kantri.

# Meri taun bos i salensim gavman

**STRONGPELA salens i go long nesenel gavman na Otonomes Bogenvil Gavman (ABG) long stretim Buka taun bipo ol i muvim hetkota bilong Bogenvil i go bek gen long Arawa.**

Bos bilong Buka taun em Taun menejeres, Brenda Tohiana, i wokim dispela salens i go long ol bikman bilong Nesenel gavman na ABG long las wik Fraide long opening bilong Buka Taun maket.

Tresera Peter O'Neill i bin go pas long ol bikman i makim nesenel gavman long opening i bin harim ol salens bilong Misis Tohiana na komitim long givim K3

milion long stretim Buka Taun.

Misis Tohiana i bin troim salens na autim ol belwari long Buka taun i stap nau olsem sotpela taun hetkota bilong Bogenvil taim pastaim hetkota em Arawa, i pas i stap bihainim pait long ailan.

Em bin tok Buka taun em i getwe o dua i kam insait na go ausait long Bogenvil, tasol stat yet long 1987, nogat gutpela senis i kamap bikos ol gavman (nesenel gavman na ABG) i no bisi.

Em i tokim Mista O'Neill long lukim long ai bilong em yet ples long Buka taun, rot long taun i

bagarap na ol i no save mekim samting long stretim gut.

Em bin tok ol i no save kisim mani long stretim Buka taun we plasnti ol bikma olsem ol praim minister, ol bikman bilong ol narapela kantri na ol bikpela bung i save kamap long Buka Taun na nogat wanpela gutpela samting i kamap long stretim taun.

Tasol nau bikos nau, ABG i wok long lukluk long muv i go long Arawa, Misis Tohiana i tok gavman na ABG i mas stretim pastaim Buka taun na developim bipo ol i lusim na go long Arawa.

Buka Taun Kaunsel i gat

K100,000 baset long wanpe,la yia, tasol bihainim salens bilong Misis Tohiana, Tresera O'Neill i bin tok promis long givim K3 milion long stretim Buka taun.

I bin gat bikpela pablik sapot long salens bilong Misis Tohiana na Bogenvil Afeas Minista, Fidelis Semoso, i bin wanpela long ol.

Mista Semoso i bin tok long planti yia, nesenel gavman na ABG i yusim Buka taun olsem toilet na sawa rum bilong ol na em i tru olsem Buka taun i laikim gutpela senis i mas kamap long mekim ples i luk gutpela.

## Yau pas man

OLGETA Tunde na Fonde, mi save go lukim ol sikmanmeri, lapun na lus Kristen long Hanuabada Peris. Long Tunde mi go long Baruni, Tatana na Koukou. Long Fonde mi go long liklik komyuniti insait long Hanuabada olsem, Ranuguri/Konedobu, Kaevaga, Hohodae, Taora, Lohua, Kavari, Elevala, Gabi, Idubada na Badihagwa.

Long Tunde Mas 29, 2011, mi bin go long Kouko, wokim prea na givim komyunio long sampela lapun na sik manmeri. Bihain mi go lukim wanpela famili we haus bilong ol i stap longwe liklik long haus bilong narapela.

Taim mi kamap long geit bilong banis, mi no kam aut long kar bikos mi save olsem dispela haus i gat strongpela banis i raunim em, bai dog i stap. Pastaim, nogat man i kamaut, tasol foapela minit bihain, mi lukim wanpela man i wokabaut i kam long geit na tupela German sepet dog i wokabaut wantaim em. Mi pret tru long dispela tupela dog.

Taim em man i save olsem mi Pater bilong Hanuabada, em i larim mi go insait na taim em i opim geit, tupela bikpela dog i ran ausait na go nabaut.

Mi draivim kar i go insait long banis na mi go sindaun aninit long haus wantam pret long tupela dog. Taim tupela dog i kam bek na lukim mi sindaun isi tasol, ol i no kros tasol ol i kamap pren wantaim mi.

Man i askim mi go antap long haus. Em i go insait long rum na bringim wanpela lapun man i kamaut long ples mi sindaun long en. Taim mi lukim em na tok moning long em, em i bekim wantaim bikpela nek stret. Bihain man i lukautim em i tok man ya I yaupas olgeta, Em i no inap harim wanpela tok bilong yumi". Bai mi tok tok wantaim em olsem wanem?

Man i givim mi wanpela pepa na pensil. Mi raitim askim bilong mi long pepa na em bai bekim, o sapos em i askim bai mi raitim long pepa long bekim askim bilong em. Em i toktok long bikpela maus stret, maski mipela

tripela tasol i stap insait long rum.

Bihain long stori wantaim em, em i wokim konpesio bilong em. Mi raitim sampela tok stia givim long em, em i ridim na mi givim absolusen long em. Bihain long konpesio mipela wokim prea na givim santu komyunio long em.

Mipela wokim stori liklik bihain long prea na mi lusim ol. Taim mi draivim ka kam bek long Hanuabada, mi tingting planti stret long dispela yaupas man.

Tasol mi tu I amamas. Maski yau bilong em i pas, tasol maus na ai bilong em i stap orait yet. Olsem na em inap long toktok na ritim wanem samting mi raitim long pepa.

I gat wanpela samting i stap strong insait long tingting bilong mi, olsem "God em i gutpela tru. Long we bilong em yet, em i lukautim yumi olgeta. Em i no laik larim yumi bagarap olgeta. Nogat!

# GLOBE

....the perfect choice

## VITAMIN ENRICHED

More Easy, More Tasty, More Healthy.





# PABLIK NOTIS

## PALAMENTARI RIFERAL KOMITI LONG MINERAL NA ENEJI-INKWAI RI LONG RIVIU BILONG MAINING EKT 1992 ASKIM LONG TOKAUT LONG SAMTING (EVIDENCE)

Dispela notis o toksave i go long ol bikipela lain stekholda, olsem Nesenel Gavman Dipatmen, ol Maining na Petroleum kampani, ol ogenaísesen bilong lain papagraun, ol NGO, ol Sios na ol lain manmeri husat i gat intares long toktok bilong bus, graun na wara (natural resources) wok insait long Papua Niugini, em bikipela toktok i pas long ol lo we i lukautim wok operesen bilong Maining na ol arapela risoses insait long PNG em nau i stap aninit long nau Maining Ekt 1992. Pemanen Palamen Riferal Komiti long Minerals na Eneji i gat long fran long en wanpela riferal i kam long Nesenel Palamen long Nesenel Gavman long mekim Riviu long Maining Ekt 1992.

Dispela samting em Rt Hon. Se Julius Chan, MP, Gavana bilong Niu Ailan Provins i bringim i go long Palamen insait long wanpela Mosen long askim Nesenel Gavman long mekim Riviu long Maining Ekt 1992 bilong Papua Niugini.

Palamentari Riferal Komiti long Minerals na Eneji em wanpela Pemanen Palamentari Komiti bilong Nesenel Palamen na Tem ov Referens o wok bilong en em:

### MINERALS NA ENEJI

1. Komiti bai gat ol dispela wok na samting long mekim:
1. Olsem Komiti bai i gat dispela ol wok na samting long mekim:
- (a) Long lukluk i go insait na ripot i go long Palamen long wanem samting ol arapela i ripot long en, we i kam aninit long :

- i) Standing Oda
- ii) Palamen
- iii) Wanpela Minista; o
- iv) Long wok bilong en yet; na

Lukluk long wanem samting em i gat bikipela luksave long nesenel sait insait long wanem wok em i ken mekim na givim ripot i go long palamen bihainim Pemanen Palamen Komiti Ekt; na

- (b) Long ripot i go long wok bilong Minista we i stat insait long wanpela resolusen o pasim-toktok bilong Palamen long wan wan taim.

2. Palamen bai i no inap lukluk i go insait long dispela samting we i go long komiti inap long taim we:

- (a) Wanpela ripot i go long palamen aninit long Seksin 18 bilong Pemanen Palamen Komiti Ekt; na
- (b) Palamen i mekim wanpela resolusen long dispela ripot bihainim Seksin 19 bilong Pemanen Palamen Komiti Ekt

3. Long taim Komiti i no givim ripot i go long Palamen insait long 7-pela de em Palamen i sindaun, Palamen bai , insait long resolusen, bai givim oda olsem ol bai lukluk i go insait long dispela samting.

4. Namba bilong ol Komiti memba i bung mas 4-pela, na wanpela long ol i mas Siaman, o Deputi Siaman.

5. Siaman na Deputi Siaman bilong Komiti bai i gat olgeta rait long go lukim Minista husat i lukautim olgeta wok we i go wantaim wanem samting komiti i ken wokim na long wanem toktok Minista i mekim, i go long het bilong Dipatmen Minista i lukautim na i gat rait long kisim toksave na edvais long ol bikipela polisi isiu.

6. Komiti bai i gat pawa long salim tok long ol manmeri, ol pepa na rekot na long bung long wanem ol ples em i laikim na tu wok long taim long malolo.

Long go wantaim ol Tem ov Referens bilong Komiti i stap long antap, Palamen i tok-orait long dispela ol wan wan Tem ov Referens we aninit long en em Komiti bai karimaut wok painimaut bilong en;-

Riviu bilong Maining Ekt.

Olsem Palamentari Riferal Komiti long Minerals na Eneji:

1. Riviu long papa bilong mineral olsem hap bilong bikipela riviu bilong Maining Ekt 1992. Dispela riviu bai kamap wantaim bikipela luksave long:

- (a) Riviu long disisen bilong Stet long daunim reit o mak bilong Spesel Sapot Grent (SSG) mak long 1% i go daun long 0.25 % na askim Stet long hariap tru long putim bek 1% Spesel Sapot Grent (SSG) wantaim olgeta kompensesen em i mas peim i go long ol provins stat long dispela taim stret we Gavman em yet, i no bin toktok wantaim ol stekholda o stretim olgeta hevi aninit long ol Toktok insait long MOA.
- (b) Putim mak o reit bilong Spesel Sapot Grent (SSG) long 1% i go 10% long FOB sels long wan wan yia na Spesel Sapot Grent ol i givim mas noken pas; na
- (c) Lukim olsem ol prinsipel o lo bilong diraivesin reventu (5%) i go long ol Provins i mas go tu long mineral expot.

2. Mekim olsem reit o mak bilong mineral royalty peimen i go antap long 2% i go 5% long FOB sels revenue long wan wan yia.

3. Tok-orait olsem dispela 10% ikwiti mak i go long Provinsal Gavman na papagraun em Stet bai peim olgeta.

4. Tok-orait olsem saplai nab aim bilong ol guds na sevises insait long Papua Niugini mas stap long ol Provins we maining operesin i kamap long en long mekim olsem Guds na Sevis takis i go long ol Provins i go bikipela.

5. Mekim olsem takis kredit skim i go wantaim moa gutpela wok we i go wantaim in-

frastraksa o rot na bris long kamap long namba wan de stret taim maining operesin i kamap.

6. Givim tok-orait olsem ol maining kampani i givim olsem 10% bilong veliu bilong kos bilong go bikipela bilong ol na i no dispela ol i plen long en pastaim, we bai i mekim peimen bilong ol koporet takis i go longpela taim.
7. Mekim olsem ol maining kampani i wok klostu long sapotim wok bilong wokim rot na bris we Provinsal Gavman i laikim long en na dispela wok i mas stap long maining kontrak.
8. Hariap tasol na stretim olgeta arapela MOA we i stap yet stat long 30 Jun 2009.
9. Senisim Maining Ekt 1992 long mekim rot long transe o bringim olgeta samting bilong bus, graun na wara (natural resources) olsem timba, fis, maining aninit long solwara, oil n ages i go long papa bilong ol risoses wantaim wanpela mak long peimen olgeta lain i bai amamas long en.

Komiti bai kamapim praivet na pablik miting long harim na kisim toktok na tu ol pepa ol lain i raitim long givim olsem wok bilong Komiti i go insait long inkwairi long Riviu bilong Maining Ekt bihainim wanepi ol Tems ov Referens antap. Komiti i plen long karimaut wok painimaut o inkwairi insait long 4-pela rijon bilong Papua Niugini em long:

- A. Momase Rijon
- B. Hailans Rijon
- C. Sauten Rijon
- D. Niugini Ailans Rijon

Dispela ol miting long harim ol toktok na tingting bai i gat ol bikipela lain stekholda olsem:-

1. Ol wan wan Nesenel Gavman Dipatmen
2. Ol Provinsal Gavman
3. Maining na Ges na Petroleum Kampani husat i wok long PNG
4. Risos na papagraun ogenaísesin
5. Ol Sios
6. NGO
7. Ol saveman bilong Yunivesiti
8. Semba bilong Mains na Petroleum
9. Pablik manmeri

Ol lain husat i tokaut long sab-komiti em Palamentari Privilis bai i was long ol. Ol sab-komiti bai mekim olgeta samting long helpim ol lain husat i laik hait na givim toktok.

Ol Submisin ol Raitim Pinis

Long go wantaim ol pablik miting long harim ol toktok, Komiti i askim tu ol wan wan manmeri, ol ogenaísesin na ol bikipela lain husat nem bilong ol i stap daunbilo long mekim ol submisin bilong ol. Ol bikipela lain stekholda em Komiti laik long kisim ol submisin em ol i raitim daun pinis bihainim ol Tem ov Referens em:-

Wan wan manmeri na ogenaísesin husat i laikim olsem nem bilong ol i mas hait i mas makim wan wan pes bilong submisin bilong ol olsem "Private & Confidential"

The Chairman  
Permanent Parliamentary Referral Committee on Health and Family Welfare  
P. O. PARLIAMENT HOUSE  
Waigani  
National Capital District

ATTN: LAWRENCE J. DAVEONA

E-mail: [djlawrence@live.com.au](mailto:djlawrence@live.com.au)

Ol submisin mask am long 6-pela A4 pepa sais wantaim namba long toktok na ol pes. Ol lain witness i mas givim wanpela single pes kopi bilong toktok o memorandum bilong ol long meil o post i kam long adres i stap daunbilo, wantaim wanpela ilektronik vesin (long word format).

Olgeta submisin mas fainol bikos Komiti bai i no inap kisim ol pepa i gat ol senis i kamap long en.

NOTIS: Olgeta submisin bai kamap olsem samting o property bilong Komiti na Palamen. Taim olgeta submisin i mask am em Fraide 21st Epril 2011.

Ol lain witness husat i laikim moa helpim long mekim submisin bilong ol i nidim moa infomesin i mas ringim Palamentari Komiti Sekretariat Ofis na toktok long dispela ol lain ofisa:

Mr. Lawrence J. Daveona Dairekta  
Mr. Joseph Warau a/Deputi Dairekta na Komiti Sekretari  
Mr. Werner Cohill Komiti Seketeri

Telefon: (675) 3277759/ (675) 3277784  
Fax: (675) 3277206

Mobail: (675) 71971595

Dairekta

Hon. Pitom Bombom MP.  
Siaman- Palamentari Riferal Komiti long Minerals na Eneji





# Noken gris long apim pei

Ol pablik sevens ken amamas olsem Gavman i apim pei bilong ol go antap long 7.5% long dispela yia tasol dispela mani mak em bikpela o liklik?.

Sampela i tok em i olsem K20 tasol go antap long fotnait pei bilong ol na dispela em i no wanpela gutpela nius o bikpela samting long ol turangu wokmanmeri bilong Gavman i amamas long en. Sapos Gavman apim pei bilong ol wokmanmeri go antap long 20 o 30% mak em bai orait bikos mani mak bai olsem K50 o K60 samting.

Bilong wanem as tru na Gavman i laik apim pei bilong ol wokmanmeri long dispela taim we em inap long apim pei bilong ol wokmanmeri long las yia o 2009 samting?.

Dispela yia em 2011 na yumi olgeta i save olsem nesanel ileksen em bai kamap neks yia tasol na kain nius olsem em bilong



holim bel na grisim ol pipel tasol long amamas long dispela Gavman na makim ol i kam bek gen long nesanel palamen.

Em bikpela tingting na klia piksa olsem pipel bai kisim long kain presen olsem we Gavman i laik givim long olgeta wokmanmeri bilong em insait long kantri.

Yes ol wokmanmeri mas kisim gutpela pei bikos prais bilong olgeta samting long stua i go antap tru na pei bilong mipela ol wokmanmeri i no inap long lukautim mipela wantaim ol famili bilong mipela go painim fotnait.

Planti bilong mipela ol wokmanmeri i kisim strong long dinau na stap na taim fotnait i kam, mipela bekim dinau, kisim nupela dinau

gen na stap olsem tasol i go.

Ating sapos ol mama i salim liklik buai na lus smok o salim ais blok na kol wara long rot em strongim mipela liklik wantaim ol pikinini.

Long dispela as planti taim ol wokman i save traim kainkain rot bilong painim sampela ekstra mani bilong sapotim famili bikos fotnait pei stret i no inap ya.

Mi tok ya, prais bilong ol kaikai long stua i antap tru. Ol skul manki mas gat kaikai long belo na baim bas go kam long skul long Mande go inap Fraide.

Mani i no inap nau olsem na planti wokmanmeri nau i go stap long setelmen bikos siti haus em hat tru long baim rent, baim pawa bil, baim wara bil na mani bilong lukautim famili we?.

Em ol sampela hatpela laip mipela ol woklain bilong siti save bungim olgeta dei long laip na

sindaun bilong mipela.

Gutpela long Gavman ken luksave na apim pei bilong mipela, tasol em mas lukluk tu long daunim prais bilong ol kago olsem rais na tin pis, wara bil, pawa bil, balus fea na planti arapela moa.

Tingim, dispela 7.5% pei go antap ya em ino mani ya. Em olsem K20 tasol ya. Sapos K100 o K200 go antap em bai orait tru long ol wokmanmeri bilong Gavman.

Noken apim pei long dispela bikos long tingting bilong kisim sapot na wanbel bilong 2012 nesanel ileksen tasol. Dispela em ol pipel i klia pinis na tru tumas, ol no inap tingim yu long dispela bikos pei em bikpela samting na ol inap long kisim kain pei i go antap olsem long olgeta yia taim prais bilong ol kago na sevis wok long go antap.

## WANTOK KOMENTRI

### Was gut long ol kantri i kam wantaim gris

TAIM wanpela arapela bikpela kantri long wol i kam long yumi na tokim yumi olsem yumi ken kisim kain kain dinau long laik bilong yumi yet, na ol bai inapim. Dispela em i wanpela kain tok tru i wok kamap nau, we bipo, i nogat.

Dispela wik yumi harim olsem nesanel gavman i bin tok nogat long ol kampani bilong Amerika i laik kam pulim pis long mak em yet i laikim, na go bek long ples bilong ol.

I gutpela olsem yumi gat strong yet bilong tok nogat long ol kain kantri olsem Amerika.

Tasol olsem wanem long ol arapela kantri yumi wok pas klostu wantaim ol, na dring wara long tep na tang ol yet i kisim na kam sanap long hia long PNG?

Planti bikpela risos wok long sait bilong maining na petroleum, we kantri i wok long sindaun redi long kalap i go het wantaim, na we planti kain tok promis i wok long kamap long gutpela taim na sindaun kantri bai bungim.

Ol dispela kain toktok, i no toktok bilong wokabout isi isi na skelim gut astingting bilong halivim yumi wok kisim.

Em i toktok bilong man i no dring wara longpela taim, na nau dispela tang wara na tep i kam sindaun long ai bilong em stret, na em i guria nogut tru.

Sapos yumi lukluk long bikpela piksa long wol, bai yumi luksave olsem yumi PNG, yumi wanpela liklik kantri long wol, tasol yumi gat planti ol samting we olgeta arapela bikpela kantri long wol i no moa gat. Busgraun, solwara na diwai, i silip sting tru antap long graun bilong yumi, na kain kain strong na gris i pulap aninit long graun bilong yumi.

Sapos yumi laik stiaim gut kos bilong kantri i go painim gutpela sindaun bilong ol pipel bilong yumi, yumi mas was gut long lain i givim halivim, olsem i nogat pinis long belgut bilong ol.

Wanem rot yumi bihainim long kisim isi winmani na biknem bilong sotpela taim tasol, em yumi mas save olsem ol pipel bilong yumi, ol man, meri na pikinini bilong yumi i stap sindaun long asples graun bilong yumi, bai karim hevi.

Ol bai karim hevi sapos yumi no makim gut kos bilong ol.

Sapos yumi laik painim gutpela sindaun, em i mas kirap long han bilong yumi ol asples yet. I no long givim bilong ol arapela lain bilong ol arapela ples.

Yumi holim sanda bilong busgraun, na planti arapela long wol i smelim na spid i kam.

Sapos yumi no laik kamap olsem ol arapela kantri long wol we i nogat moa gutpela gris bilong graun bilong ol, orait, yumi mas was gut long husat i halivim. Na noken tru salim graun, bilip, na gutnem bilong kantri bilong yumi. we God papa yet i tingim yumi na i givim yumi.

## WANTOK

Published Weekly, Thursday, for  
Word Publishing Company, Ltd.  
P.O. Box 1982, Boroko, NCD  
Papua New Guinea

Telephone: (675) 325 2500

Fax: (675) 325 2579

Email: [editorial@wantok.com.pg](mailto:editorial@wantok.com.pg)

Pe bilong wanpela yia  
52 niuspepa

Ples:

PNG

AUSTRALIA

ASIA PACIFIC na JAPAN

AMERICA na EUROPE

Air:

K220.00

US\$110.00

US\$150.00

US\$210.00

General Manager  
Elizabeth Konga

Editor  
Neville Choi

Published at  
Section 58, Allotment 3  
Office 2, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.

# “Liklik China” long Kurumbukari na Basamuk

## ...sola-pawa, simen rot na stail haus

James Kila i raitim

**K**ONSTRAKSEN wok long redim bikpela multi-milien Kina Ramu Nickel projek long Madang provins, i go het gut tru. Tupela ples we naispela ol senis i kamap long en em long Kurumbukari na Basamuk.

Kurumbukari (KBK) em maunten long Usino-Bundi eria we biknem kampani bilong China, Ramu NiCo Menesmen (MCC) i developim nikel main projek we em i putim kamap samting olsem US1.4 bilien invesmen long Papua Niugini.

Mi bin wok raun i go long planti ol bikpela risos projek long Papua Niugini long bipo, tasol wanem samting mi lukim em Ramu NiCo Menesmen (MCC) i mekim em smat moa yet na i winim ol arapela bikpela projek long kantri.

Dispela bikpela projek bilong Ramu NiCo i givim planti tausen wok long ol lokal manmeri long Usino-Bundi, Raikos na sampela eria long Madang provins.

Sapos yu nupela man i raun i go long dispela tupela ples, KBK or Basamuk we i stap long bus stret long bipo, ating bai yu guria stret.

Wanpela samting mi lukim em ples bilong slip o haus bilong ol lain wokman meri long KBK na Basamuk. Tru tumas, dispela ol haus em ol i wokim stail tru. Ramu NiCo i givim bikpela luksave long gutpela ples bilong slip bilong ol wokman meri bilong em.

Tru tumas, ol haus mi lukim em wankain olsem ol hotel stret na stail bilong ol i narakain tru na i winim ol arapela risos projek developmen eria long PNG.

Mi yet mi raun i go lukim dispela tupela ples, na ating mi ken tok olsem ol dispela biknem kampani bilong China i kirapim wanpela ‘Liklik China’ insait long bus ples o rurel eria long kantri. Em narakain tru na samting mi lukim i nais stret.

Wanpela samting we i kirapim tru bel bilong mi em olgeta ol

bikpela haus na masin na ples bilong wok em ol i wokim long simen na glas stret. Kain ol samting ya bai i stap longpela taim stret.

Yu bai ronim kar o wokabout long simen tasol long wanpela ofis i go long arapela. Na tu long Basamuk, sola pawa saplai bai givim lait na dispela em gutpela long sait bilong envairomen. Ramu NiCo presiden, Madam Luo Shu i bin tok long las yia olsem dispela multi milien Kina Ramu NiCo Projek i gat bikpela bilip long wok strong olsem wanpela divelopa husat bai i mekim gutpela wok long sevim ol pipel, komyuniti, Madang na PNG.

Madam Luo i tokaut olsem divelopa, Ramu NiCo (MCC) i gat duti o wok na em bai mekim gutpela pasin long wok bilong en olsem koporet sitisen.

“Mipela tingting moa long bus, graun na wara (environment) we mipela i kisim i kam long ol lain tumbuna bilong mipela bipo na mipela i luksave long dispela tu long wanem komyuniti mipela i wok wantaim,” Madam Luo i tok.

Dispela toktok bilong Madam Luo i givim wanpela gutpela piksa olsem dispela ol lain bilong China i kam wantaim gutpela tingting na tu ol i laik wok stret bihainim pasin wok hat. Ol samting ol i kamapim em strongpela tru na bai stap longpela taim tru. i no olsem dispela ol lain bilong Australia, Yurop na ol arapela lain husat i kam wokim ol kemp tasol na rausim ol mineral olsem gol, kopa na silva, oil n ges bilong yumi na ronawe i go pinis na ples ol i lusim i go i kamap olsem ‘ghost town’ o ples i nogat developmen i kamap long en.

“Ramu NiCo i bilip olsem kamapim na stretim gut infrastraksa (wokim gutpela rot na bris) na givim save long wok i go long ol arapela em long-taim sosel na ekonomik developmen insait long komyuniti bilong yumi,” Madam Luo i tok.

Em i tok olsem Ramu NiCo i bilip tu olsem gutpela wok plen na

gutpela menesmen bilong kampani i ken bringim kamap gutpela balens wok namel long ekonomik developmen na gutpela lukaut na was long bus, graun na wara (environment)

Madam Luo i tok i amamas long givim sapot i go long komyuniti olsem skul, helt senta, stretim rot na bris, agrikalsa trening em sampela i stap insait long memorandum ov agrimen (MOA) na sampela i no stap.

Ramu NiCo Menesmen (MCC) i save givim tu fri medikal sek na tu givim HIV/AIDS aweanes program i go long ol lain papagraun long ol viles na hauslain na i save givim skills trening program na tu redim ol lokal sumatin long go mekim stadi ovasis long redim ol yet long kamap gutpela manmeri o sitisen long bihain taim.

Ripota James Kila i wokabout bihain simen long Butua em fektori eria long Kurumbukari.



Dispela stail glas ofis bilong Ramu NiCo i stap long Basamuk rifaineri plent long Raikos distrik. Poto: James Kila



Dispela haus bilong ol sinia wokman na menesa bilong Ramu NiCo em stail tru olsem hotel.



Dispela liklik bot ‘Carrie’ bilong Ramu NiCo save karim ol wokman namel long Madang na Basamuk



Haus sik long sevim ol wokman meri bilong Ramu NiCo long Basamuk. Poto: James Kila

# RSSL givim bel-isi long ol kastoma

JAMES KILA i raitim

**WANPELA** sekyuriti kampani we i gro hariap tru insait long Madang provins na tu i opim wing bilong en na flai i go pinis long Is Sepik provins em Raibus Sekyuriti Sevices Limited (RSSL).

Gutpela stori bilong dispela lokal kampani, em ol Madang pipel yet i papa long en em RSSL em blong 4-pela lenona o papagraun asosesin, em long Kurumbukari, Magari, Was Matau na na Basamuk

RSSL em wanpela kampani we rejista wantaim Invesmen Promosen Atoriti (IPA) na i holim wanpela Sekyuriti Laisens Klas A wantaim Nesenek Sekyuriti Atoriti.

RSSL em wanpela subsidiari o han kampani bilong Raibus Limited, wanpela lenona ambrela kampani we i sevim Ramu NiCo Projek long Madang provins.

Lonsing bilong RSSL i bin kamap long Oktoba 25, 2007 long Basamuk insait long Raikos distrik, we rifaineri plent bilong Ramu NiCo i stap long en. Aninit long wok namel long MCC na RSSL, Raibus Sekyuriti Sevices, olsem wanpela kampani bilong ol lain papagraun i kisim kontrak long givim olgeta sekyuriti sevices insait long olgeta main eria stat long Kurumbukari i go daun bihainim paiplain i go long Basamuk.

Kampani long nau yet i stap aninit long gutpela lukaut na menesmen bilong bipo sinia ami (military) ofisa, (Col.) William Bartley, husat i gat bikipela ekspirians na save long sekuriti operesin na i wok strong tru long lukim olsem dispela yangpela sekyuriti kampani i painim ples insait long sekyuriti indastri insait long Madang, PNG na tu insait long rijon.

Long las yia tasol RSSL i sainim wanpela join-vensa agrimen wantaim Islands Sekyuriti Sevices long Wewak, Is Sepik provins. Olsem na nau dispela wok bung i mekim RSSL i krungutim Sepik pinis na redi long go het yet.

RSSL aninit long dispela gutpela was-man, Mista Bartley i hariap tru long putim wanpela lek i go fowat insait long namba wan yia long operesin bilong en long baim-aut wanpela komunikesin kampani ol i kolim 'Aerial Communication'. Dispela kampani nau i stap olsem subsidiari o han kampani bilong RSSL. Lonsing bilong dispela kampani i bin kamap long Madang Intanesenek Praimeri Skul long 25th Oktoba 2008.

Long gutpela sait bilong RSSL, dispela subsidiari kampani i ken givim moa gutpela komunikesin sevices insait long 24-uaa na 7 de redio sevices na bekap helpim na planti arapela moa wok.



Jeneral Menesa bilong RSSL, William Bartley I givim stia long lain bilong Ramu NiCo na Nu Ailan komyuniti long mekim klinap wok long Madang taun.



Jeneral Menesa bilong Raibus Limited Grup, Peter Kembu (wantaim glas) I sekan wantaim, Mathew Mensa bilong Island Security long taim bilong join vensa bung long Wewak.



Ol sampela gad bilong RSSL fran long ofis long Madang.

**Sevis**

Ol sevis bilong RSSL i pas wantaim gutpela pasin na tingting long mekim wok. Long inglis ol i kolim 'Ethics'. Na dispela wantaim veliu i stap strong long wok em RSSL i save bihainim strong insait long operesins bilong en long bringim bel-isi namel long ol kastoma, ol wokman meri bilong en, ol seaholda na ol narapela stekholda. Dispela tu bai i ken mekim amamas long wok gut wantaim RSSL.

Gutpela na stretpela pasin (ethics) em bikipela samting tru insait long wok bisnis bilong RSSL na dispela em menesmen na ol wokman bilong kampani i laik holim strong oltaim long promotim na strongim gutpela nem bilong kampani.

RSSL i givim sekuriti sevis long sait bilong automotive gad, benking na fainens, edukesen, entateinmen, helt kea, komesal senta, haiteknologi, petro-kemikal, maining,

haus, riteil eria na utiliti na pawa saplai eria.

RSSL i sanap strong wantaim ol dispela veliu. Ol dispela veliu o gutpela bilip o het-tok long go het em long tok inglis em "Integrity, Vigilance na Helpfulness"

Ol dispela veliu em i simple o i hat, na i no inap senis na em gutpela long bihainim long mekim bisnis. RSSL i luksave na stap strong long dispela ol het-tok long was gut na promotim gutpela nem bilong kampani.

**Integrity**

Integriti bilong RSSL em bikipela samting tru. Insait long sekuriti bisnis olsem RSSL, ol kastoma mas gat olgeta bilip long husat lain em ol i putim ol samting bilong ol long ol long lukautim. Kastoma mas stap wantaim bel-isi taim ol i larim ol samting bilong ol wantaim RSSL, bikos ol gad bilong RSSL e mol lain bilong tok tru, na harim tok na mekim stretpela pasin. Ol wokman bilong ol i save tokaut na tok stret long wei bilong toktok, ripot long samting we i no stret na tu givim ol bikipela infomesin i go long atoriti stret.

**Vigilance**

Vigilance save helpim tru RSSL. ekuriti indastri em i pas wantaim wok bilong putim ai na was gut tru, na olsem wanpela opereta insait long dispela sekta, RSSL i mas redi o putim was olgeta taim. Ol wokman bilong RSSL bai i redi na putim was olgeta taim na dispela pasin long redi oltaim na was i helpim ol gut tru, taim arapela kampani i no gat kain pasin olsem. Long dispela kain rot nogat birua o pret i ken kamap long eria bilong ol kastoma bilong RSSL.

**Helpfulness**

RSSL save laik long givim moa helpim long givim bel-isi long ol kastoma bilong en. Ol wokman bilong RSSL bai givim han oltaim, maski olsem sampela wok i no bilong ol long mekim, tasol ol i hariap long givim han na helpim. Ol wokman bilong RSSL i save amamas long givim helpim long mekim laip na sindaun bilong ol kastoma bilong ol i stap orait na stap wantaim bel-isi.

Mista Bartley i tok olsem long wok oltaim wantaim ol dispela veliu i min olsem ol wokman bilong ol i mas soim gutpela pasin na sevis long ol kastoma bilong ol olgeta de.

"Ol pipel bilong mipela em bikipela samting long ai bilong Raibus Sekuriti Sevices Limited, na mipela bilip long kamapim gutpela wok bung na stap wantaim bihainim gutpela pasin bilong rispekt na tu luksave long wanem gutpela pasin ol wokman bilong mipela i gat," Mista Bartley i tok.

"Long lukim oltaim olsem ol wokman bilong mipela i mekim gutpela profesinal wok, mipela bai go het long givim ol trening progrem na promotim developmen long pei level bilong ol na industrial stenden,

"Mipela luksave long gutpela bilong pasin bilong toktok i go kam wantaim olgeta lain we wok operesin bilong mipela i stap long en olsem ol wan wan klaint o kastoma, wok fos bilong mipela, ol investa na jeneral pablik," Mista Bartley i tok.

# Raun wantaim Kanage olgeta wik

## Pul yo soks ap...

Kanage em wanpela klina long wanpela bikpela opis. Em man bilong tok bilas na ting em i save long tok inglis olsem ol waitman. Wanpela taim em i no klinim opis gut na boss em belhat nogut tru long Kanage. Em singautim em i go insait long opis na bikmaus long em. "Kamon kanage! There are lot of rabis in front of the geit! can you klinit ap? Kanage em bekim, Hoi boss! everytaim ai klinap but pipel et buai maket tromoi rabis insait, yah!. Boss tok, yu beeter pul yo soks ap bifo ai sek yu!! Kanage bekim, oke bos tomoro Ai pul mai soks ap. eka de Kanage em dresap olsem wanpela opis wokman wantaim soks i go antap long lek bilong em. Em kam insait na tok moning long boss na boss paul tru long lukim Kanage. Em ting wanpela klak bilong opis. Kanage kirap na tok, Hei boss, yu tok pul mai soks ap so ai pul soks



ap, hehehe... Boss dai long lap na tokim Kanage, Tenkiu Kanage, plis go and just klin the rabis autsait plissss!!!

**Diksy Mero**  
**Rainbow**

## Liklik bubu Kanage em save kilim em...

Long nait bubu Kanage em silip i stap na em driman. Em driman i stap na pispisim bet bilong em. Long bik moning mama i silip yet, liklik Kanage kirapim mama na tokim em long driman bilong em. Em tok, Aiyoo mama! Mi mekim wanpela driman yah! Dispela driman em mi bin swim long solwara na wanpela bikpela monsta i laik daunim mi na mi pret nogut tru.

**Diksy Mero**  
**Rainbow**

Mi bikmaus na pait wantaim monsta yah...Monsta tu i pret long singaut bilong mi na tromoim mi i kam antap long bet bilong mi. Olsem na bet na matres em wet nogut tru. Mama laik smelim bet, em bikmaus na tok, giaman bilong yu! Yu pispisim bet bilong yu na yu laik kavarap ah! Hariap kisim matres na olgeta betsit no karim ol go daun long sink na wasim ol! Husat em leba bilong yu long wasim ol pispis bilong yu! Tok idai...

**Ol skwat!**  
Salim ol gutpela Kanage tok pilai i kam long:  
Kanage Tok Pilai  
P.O. Box 1982,  
Boroko, NCD  
Port Moresby.  
Email: atolire@wantok.com.pg



**NEM:** Ludwig Hesai  
**KRISMAS:** 21 (man)  
**ADRES:** Kilipau village, P.O. Box 96, Vanimo, Sandaun Provins  
**SAVE LAIKIM:** Senisim Presen, pilai soka, harim musik na raitim pas.

**NEM:** Benjamin A. Wep  
**KRISMAS:** 20 (man)  
**ADRES:** Kilipau Village, P.O Box 96, Vanimo, Sandaun Provins  
**SAVE LAIKIM:** Pilai soka, voli bol, senisim presen na painim wanpela meri long maritim.

**NEM:** Patrick Gisiye  
**KRISMAS:** 20 (man)  
**ADRES:** New Century Wholesale, P.O.Box 218, Kiunga Western Provins  
**SAVE LAIKIM:** Pilai soka, mekim pren, raitim pas, go lotu na senisim presen.

**NEM:** Benuel Kapamai  
**KRISMAS:** 18 (man)  
**ADRES:** P.O. Box 2901, Lae  
**SAVE LAIKIM:** Pilai soka, volibol, pilai gita, harim musik, ritim buk na go lotu

**NEM:** Bainy Wou  
**KRISMAS:** 20 (man)  
**ADRES:** Kilipau Village, PO Box 96, Vanimo Sandaun Provins  
**SAVE LAIKIM:** Raitim pas, senisim presen, pilai soka, volibol na painim wanpela meri long maritim.

**NEM:** Benny Wagu  
**KRISMAS:** 18 (man)  
**ADRES:** Kilipau Village, P.O.Box 96 Vanimo Sandaun Provins  
**SAVE LAIKIM:** Senisim presen, raitim pas, pilai soka, volibol na harim musik

**NEM:** Terence Mathew  
**KRISMAS:** 16 (man)  
**ADRES:** Ohu Primary School, PO Box 169, Madang511, Madang Provins  
**SAVE LAIKIM:** Go skul, harim musik, go Lotu, raitim pas na mekim pren

**NEM:** Tenny Paul  
**KRISMAS:** 19 (man)  
**ADRES:** Komabea Primary school, PO Box 220, Kerema, Gulf Provins  
**SAVE LAIKIM:** Pilai spot olsem volibol, soka na basketbol, harim musik, ritim niuspepa na wok

**NEM:** Jamie Awe  
**KRISMAS:** 29 (man)  
**ADRES:** C/Hargy Oil Palms, PO Box 21 Bialla, West New Britain Provins  
**SAVE LAIKIM:** Lukim rugby, mekim poroman wantaim ol arapela na painim wanpela lotu meri bilong maritim

**NEM:** Atasing Bafike  
**KRISMAS:** 27 (man)  
**ADRES:** Bumbum Primary School, PO Box 4588, Morobe Provins  
**SAVE LAIKIM:** Harim musik, pilai soka, wat-sim TV na pilai kompyuta gem

# Was femili yusim mi tasol...

## Dia Laiplain

**WANPELA** hauslain famili i bin kisim mi olsem namba wan pikinini bilong ol taim mi gat tupela krismas tasol. Mama i kisim mi em i wanblut susa bilong papa tru bilong mi. Taim mi wok long groap, mi lukim olsem dispela famili i no mekim gut long mi, skelim wantaim ol pikinini stret bilong ol. Tasol mi no bisi long dispela bikos mi luksave long ol sakrifais nau papamama i mekim long putim mi i go long skul na mi pinisim skul bilong mi. Na nau mi gat wok na mi wok i stap.

Mi wok long helpim baim skul fi long ol brata na susa bilong mi go long ol teseri skul. Na taim ol samt-ing i kamap na famili i laikim helpim wantaim mani, mi save givim long ol.

Tasol mi pilim olsem i nogat luksave long hatwok bilong mi long kontribiut na helpim famili. Na mi lukim olsem mama i save sapotim tasol ol pikinini tru bilong em, maski samtung ol i mekim i no stret. Mi pilim olsem dispela i no fea o stret long mi. Tasol taim ol i laikim helpim, ol i save kam long mi.

Nau ol brata na susa i save olsem mi no pikinini stret tasol ol i kisim mi i go insait long famili bilong ol na ol i no lukluk gut long mi. Taim mipela i wok long groap, ol no bin save na i no bin mekim olsem. Nau ol i no save wokim gut long mi na mipela i no stap gut olsem famili i mas stap long en. Mi no amamas long dispela bikos mi no save bai mi lukluk i go long husat taim mi bungim wari na hevi long wanem, dispela em famili tasol mi gat na mi save gut long ol. Famili mi groap na laikim tumas i no moa wankain. Ating dispela em bikos ol i nogat ol samtung we mi gat long en nau.

Tru tru papamama bilong mi i stap laip yet, tasol mi no save kontekim ol. Mi lus na mi paul long husat bai mi go long en taim mi laikim helpim.  
**CONFUSED CHILD**

## Dia Pren

Tenkyu long serim wari bilong yu wantaim mipela.

Mipela i sori long ritim pas long wari



na hevi yu wok long bungim wantaim ol adoptet famili bilong yu. Sori long tok olsem mipela i save kisim ol wankain pas olsem i kam long ol pikinini we narapela famili i kisim ol i go insait long family bilong ol olsem yu.

Famili bilong susa bilong papa stret bilong yu i bin kisim yu olsem wanpela famili memba bilong ol taim yu gat tupela krismas. Ol i baim skul bilong yu na yu go skul, pinisim skul na nau yu wok i stap. Tasol taim yu wok long groap, yu luksave olsem nau mama i no mekim gut long yu olsem ol trupela pikinini bilong em. Em i sapotim ol taim ol i wokim rong.

Tasol yu no bisi long pasin nogut mama i mekim long yu bikos ol bin sapotim yu long skul nay u wok i stap nau. Nau ol brata na susa bilong yu i save olsem yu na ol i kamap long wanpela mama na papa na olsem, lukluk bilong ol i no wankain olsem taim yupela i wok long groap. Yu soim laik pasin bilong yu na yu helpim ol, baim ol skul fi bilong ol na taim famili i laikim helpim. Tasol ol i no givim yu luksave long sapot yu wok long givimi go long ol.

Pren, mipela i bilip i gat sampela famili na ol papamama husat i save sapotim ol pikinini na i no mekim gut long ol adoptet pikinini bilong ol. Mipela i bilip i gat sampela as tingting watpo ol i mekim olsem.

Mipela i lukim olsem maski ol i no mekim gut long yu, yu no bisi tasol bikos yu gat bikpela laik long ol, yu lukautim ol gut, baim skul fi bilong ol brata na susa na helpim ol taim ol i laikim helpim wantaim mani samtung. Tasol ol i no luksave na dispela pasin i hat tru.

Pren, i moabeta yu toktok long was papamama bilong yu. Em i gutpela long autim wari bilong yu i go long ol na toktok wantaim ol long en. i no gutpela long yu holim ol wari long bel bilong yu na wari tumas long ol. Ating ol no save long ol wari na hevi yu gat long en na taim yu toktok wantaim ol, yu bai pilim

gut.

Mipela i enkarijim yu long veluim yu yet na tingting gut tasol long yu yet. Sapos yu toktok wantaim tupela papamama long ol samtung i no stret ol i wokim long yu, dispela bai helpim ol brata na susa bilong yu tu. Sapos yu bilip olsem pasin bilong ol i no stret, em bai gutpela long helpim ol i stretim dispela.

Pren, yu wok pinis na yu tingting tu long painim haus bilong ol singel woklain i stap long en? Dispela i ken helpim yu long i lukautim yu yet na helpim papamama wantaim ol narapela pikinini na long dispela rot tu, abrusim pasin bilong feveretisim. Tasol ol i mas larim yu i go wantaim wanbel na gutpela tingting. Yu ken raun i go lukim ol yet .

Mipela i bilip olsem nogat samtung i rong long kontektim trupela papamama bilong yu. i gutpela long toktok wantaim ol na sapos nau papamama bilong yu i tok orait long dispela. Yu gat sampela narapela hauslain husat yu ken serim wari bilong yu wantaim? I moabeta yu sea wantaim pipel yu trastim o ol i save gut long yu.

God i laikim yu na i laikim yu gat gutpela bihain taim. Mipela i bilip olsem ol nau papamama i laikim yu long gat gutpela bihain taim, tasol nogut ol i no save na ol i wokim pasin we ol i no bisi long yu. Kisim dispela olsem salens long muv fowed taim yu gro long tingting na laip bilong yu. God i save wanem i gutpela long yu. Ritim Romans 8:28.

Sapos yu laikim moa tok strongim, i moabeta yu ringim opis bilong mipela long wokim apoinmen. Dispela em ol namba bilong mipela: 3266660011/3405832.

God i ken blesim yu na givim yu gutpela tingting.

**Pren bilong yu**  
**Laiplain**

Sapos yu gat wari o hevi, rait i kam long dispela etres: **Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim**



Program bilong Wanwan De

De - Mande - Fraide

6am - 10am - Sankamap show - Host: Kas. T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

Raun wantaim Wantok kru ...

Pilai laiv na DJ musik tu em i kaikai ya

Nicky Bernard i raitim

EX-TENSION em wanpela bikpela na olupela ben long Mosbi, planti ol manmeri save bihainim dispela ben taim ol pilai laiv raun long siti.

Wantok Niuspepa i lukluk long wanpela yangpela man husat i stap wantaim ben longpela taim liklik nau na em save bek ap singsing long dispela ben.

Charlie Chickenman Asugum, i joinim Extension olsem DJ man bilong ol tasol, taim Extension i kisim malolo Charlie bai pilaim DJ musik.

'Chicken Man' Charlie save yusim ol olupela kain DJ wei CD pilai stap long em yet na mixer i stap long em yet. Dispela save mekim 'Chicken Man' save painim hat liklik tasol em save kamapim gut ol DJ musik. Charlie nau em kamap

bek hap singa bilong dispela biknem ben, olsem na taim ben i kisim malolo, Charlie save go stret long DJ miksa bilong em na mekim DJ musik bilong em.

Dispela yia Charlie amamas nogut tru, long wanem bos bilong Extension ben Bernhard Schlichting, i kisim nupela DJ box bilong ol i kam. Dispela DJ box em olgeta samting i stap insait, Charlie nau bai no inap

hat wok, taim em bekap singsing pinis, em bai isi tasol putim ol CD tasol na miksim olgeta samting long wanpela liklik bokis we yu ken karim olsem gita o sutkes bilong yu.

Putim was long Wantok Niuspepa long redim moa long ol yangpela manmeri we ol save pilai wantaim Ex-Tension ben.



TRAIM TASOL: Charlie "Chickem Man" Asugum traim nupela DJ box bilong em na Extension.



National Weekly Hit Parade

Produced & Host by: Kasty

Statistics: Talatgu Sophie & Poroman Crew

Week Ending: Saturday - 09th April 2011

Table with columns: Week Before, Last Week, This Week, Charting Song, Artist. It lists the top 20 songs of the week, including 'Queen of Karanas' by Jar Tasins and 'Meri Marobe' by Logic Crew.

EMTV Television Guide

FONDE, APRIL 7 2011
5.00AM G JOYCE MEYER Religious Program
5.30AM G TODAY
11.00AM AUSTRALIA NETWORK STATION OPEN

7.00PM G SPORTS SCENE (2011 Return)
7.30PM PG RAIT MUSIK
7.27PM G EMTV TOK SAVE
7.30PM G BORDER DEVELOPMENT AUTHORITY DOCUMENTARY

5.00PM G KITCHEN WHIZ (NEW KIDS SERIES)
5.29PM G EMTV NEWS UPDATE
5.30PM G MILLIONAIRE HOT SEAT

SARERE, APRIL 9 2010
5.00AM.....AUSTRALIA NETWORK.....
11.39AM STATION OPEN
11.40AM G SUPER RUGBY Highlanders vs. Cheetahs

Bulls vs. Stormers, from Pretoria
1.00PM G WWORLD OF SPORTS
2.00PM PG SUNDAY FOOTY SHOW
3.00PM PG SUNDAY ROAST

FRAIDE, APRIL 8 2011

5.00AM G JOYCE MEYER Religious Program
5.30AM G TODAY
11.00AM AUSTRALIA NETWORK STATION OPEN

KIDS KONA

3.00PM G MAGICAL TALES
3.30PM G HI-5
4.57PM EMTV TOK SAVE

FRAIDE, APRIL 8 2011

5.00AM G JOYCE MEYER Religious Program
5.30AM G TODAY
11.00AM AUSTRALIA NETWORK STATION OPEN

SANDE, APRIL 10 2011

6.29AM STATION OPEN
6.30AM G IT IS WRITTEN
7.00AM G HILLSONG
9.00AM G SUPER LEAGUE

TORO



BIABIA



KANAGE



TOKWIN

Pei rais...

Nau ol publik sevan bai kisim pei rais. Gutpela tru! Nau sampela i ken bekim dinau bilong ol na karim inap i go bek long haus. Tasol nau yu lukim pe bilong ol kaikai long stua i go antap tru na pe bilong yu bai inapim dispela ol prais bilong kaikai. Mi tokim yu stret, bipo K10 em moni, tude K10 no inap baim wanpela samt-ing. K100 bai givim yu tripela samt-ing tasol long stua.

Ol tisa i singaut long pei rais...

Toktok long ol pablik sevan i kisim pei rai, ol tisa i wok long singaut long pei rais long 10-pela yia i go pinis na i no kisim yet. Harim kra i bilong ol tisa. Ol tasol i wok hat tru long givim save long yumi hia long Papua Niugini na gavman mas harim kra i bilong ol. Yu kisim save bilong yu we? Long skul! Husat i lainim yu long rit na rait? Ol tisa tasol! Givim pei rais bilong ol tu na bai ol i wok gut!!

Klostu ileksen nau...

Ileksen i kam klostu nau na kainkain pasin na stail bai kamap. Kala bilong moni bai kapsait na kainkain mauswara bai kapsait. Pasin braiberi tu bai kamap na planti wok projek bilong em bai kamap long grisim ol lain bilong em tingim em gen long 2012 ileksen. Nau yumi lukm wanpela pinis. Pei rais bilong ol pablik sevan i kamap klostu long ileksen yia. Asual

Tokwin Tasol...

Word search grid with letters S, S, R, E, K, I, K, O, P, I, S, Y, O, B, W, O, C, T, E, R, A, D, R, E, H, A, P, T, A, I, M, B, R, O, O, W, S, T, I, R, W, E, L, L, S, A, S, K, E, R, W, R, T, R, E, S, D, E, A, L, H, D, O, C, M, O, R, B, M, O, O, E, S, V, E, L, A, S, R, E, T, S, O, O, R, A, E, R, R, H, J, S, R, E, G, I, T, T, S, E, W, Y, S, T, H, G, I, N, K, E, S, A, D, B, N, M, U, O, S, S, E, F, T, I, S, A, I, T, U, E, H, G, I, V, F, O, S, E, R, A, R, B, H, I, U, K, E, B, I, S, B, U, U, R, R, A, P, I, S, T, O, S, I, L, E, L, R, T, L, S, O, E, P, E, I, N, E, N, P, A, S, D, I, E, R, T, E, I, M, P, R, A, N, O, S, T, E, R, O, K, H, E, A, O, R, I, C, H, E, S, A, L, E, R, N, S, C, T, N, I, D, R, I, K, M, A, B, L, S, C, G, D, I, P, N, B, M, L, A, S, K, R, E, T, E, E, R, H, S, I, O, A, O, E, L, W, E, D, N, I, T, C, H, S, E, R, T, I, P, O, R, U, A, D, R, R, A, B, B, I, T, O, H, S, I, R, H, C, B

PAINIM OL DISPELA NEM BILONG OL TIM INSAIT LONG NRL RESIS:

Table listing NRL teams: BRONCOS, COWBOYS, EELS, RAIDERS, SHARKS, STORM, SEA EAGLES, DRAGONS, ROOSTERS, WARRIORS, WEST TIGERS, RABBITHS, BULLDOGS, PANTHERS, KNIGHTS, KIKOP, HAP TAIM, FUL TAIM, FAINOL.

4x4 grid puzzle with numbers: 8, 4, 2, 7, 9, 3, 9, 2, 1, 4, 3, 8, 6, 1, 7, 9, 4, 3, 9, 4, 6, 2, 4, 1, 7, 8, 2, 7, 5, 1, 8, 3, 3, 8, 6, 2, 5

9x9 grid puzzle with numbers: 8, 1, 9, 3, 7, 6, 5, 4, 2, 2, 5, 4, 1, 8, 8, 7, 3, 6, 7, 3, 6, 2, 4, 5, 1, 9, 8, 9, 7, 1, 5, 6, 3, 8, 2, 4, 5, 6, 2, 9, 8, 4, 3, 7, 1, 4, 8, 3, 7, 1, 2, 9, 6, 5, 3, 9, 8, 6, 2, 1, 4, 5, 7, 1, 2, 7, 4, 5, 9, 6, 8, 3, 5, 4, 5, 8, 3, 7, 2, 1, 9

Ansa bilong las wik Sudoku

Ansa bilong las wik Pasol

Word search grid with letters B, U, R, A, P, O, T, M, O, S, S, I, K, L, G, A, B, A, W, A, M, E, R, E, K, V, A, M, A, D, A, N, G, A, W, N, I, N, A, L, O, T, A, V, A, S, W, A, K, D, E, N, H, K, O, A, E, N, N, V, A, N, I, M, O, O, U, M, K, T, G, F, U, P, O, P, O, N, D, E, T, A, A, L, U, A, B, A, R, U, A, S, N, E, R, O, L

EMTV Television Guide

MANDE, APRIL 11 2011

5.00AM G JOYCE MEYER Religious Program
5.30AM G TODAY
5.20AM G DEPARTMENT OF EDUCATION CLASSROOM BROADCAST
11.00AM AUSTRALIA NETWORK
2.59PM STATION OPEN
KIDS KONA
3.00PM G MAGICAL TALES
3.30PM G HI-5
4.00PM G THE PYRAMID
4.30PM G THE SHAK
4.30PM G KITCHEN WHIZ (NEW)
5.29PM G EMTV NEWS UPDATE
5.30PM G MILLIONAIRE HOT SEAT
6.00PM G NATIONAL EMTV NEWS
7.00PM G TOK PIKSA
7.27PM G EMTV TOK SAVE
7.30PM G MONDAY NIGHT FOOT-BALL: Broncos vs. Knights
9.30PM G VOU

8.00PM G MONDAY NIGHT FOOT-BALL: Wests Tigers vs. Raiders
10.00PM G A CURRENT AFFAIR
11.00PM G NATIONAL EMTV NEWS REPLAY
11.30PM AUSTRALIA NETWORK
TUNDE, APRIL 12 2011
5.00AM G JOYCE MEYER Religious program
5.30AM G TODAY
9.00AM EMTV PRIME TIME LINEUP
9.20AM G DEPARTMENT OF EDUCATION CLASSROOM BROADCAST
KIDS KONA
3.00PM G MAGICAL TALES
3.30PM G HI-5
4.00PM G THE PYRAMID
4.30PM G THE SHAK
5.29PM G EMTV NEWS UPDATE
5.30PM G MILLIONAIRE HOT SEAT
6.00PM G NATIONAL EMTV NEWS

6.30PM G A CURRENT AFFAIR
7.00PM G HAUS & HOME
7.57PM EMTV TOK SAVE
8.00PM PG MILLION DOLLAR DROP The Million Dollar Drop is a game show like no other. The contestants work together as a team to take on one of the most difficult challengers of their lives, to keep the million dollars cash stacked up in front of them. Hosted by Eddie McGuire.
9.00PM G SUPER LEAGUE: Huddersfield v Warrington
10.30PM G EMTV NEWS REPLAY
11.30PM AUSTRALIA NETWORK
TRINDE, APRIL 13 2011
5.00AM G JOYCE MEYER Religious Program
5.30AM G TODAY
9.00AM EMTV PRIME TIME LINE UP
9.20AM G DEPARTMENT OF EDUCATION CLASSROOM BROADCAST

2.59PM STATION OPEN
KIDS KONA
4.57PM EMTV TOK SAVE
5.00PM G MILLIONAIRE HOT SEAT
5.55PM G CRIME STOPPERS
6:00PM G NATIONAL EMTV NEWS
7.00PM PG THE WORLD AROUND EASTER CONSPIRACY (PREMIERE) A Rational Examination of the Resurrection of Jesus Christ. The resurrection of Jesus Christ has been a source of controversy since 33 AD. Scores of scholars have examined this Easter event from every angle and proposed countless alternative explanations to the idea of a man rising from the dead. This program poses the question: Can belief in the resurrection hope to survive in the 21st Century? A jury of experts (Historian and Academic, Theologian and Lawyer and Author) sift the evidence and come up with a rational conclusion.

7.57PM EMTV TOK SAVE
8.00PM PG THE FARMER WANTS A WIFE
9.00PM M WEDNESDAY NIGHT MOVIE: UNHOOK THE STARS (1996) Drama/Romance - Mildred, an elderly woman has spent her life caring for others. When her daughter finally leaves home, she finds that, for the first time in her life, she has nobody to worry about - but soon becomes involved in the life of Monica, a young mother whose husband has left her to look after her young son J.J. As the relationship blossoms, Monica teachers Mildred that there is more to life than taking care of others. Stars: Gena Rowlands, Marisa Tomei.
11.00PM G A CURRENT AFFAIR
11.00PM G NATIONAL EMTV NEWS REPLAY
11.30PM AUSTRALIA NETWORK

Ol Program na Kilok i ken senis...

# Water brings change to mothers and children in Bougainville

Story by Paula Xari,  
World Vision Communications

**WASH programs can offer powerful opportunities for advancing gender as they provide opportunities to influence the roles of women and men in the program as well as in relationships between women and men within communities.**

This may be more evident in Pacific communities where there are strict boundaries of where the different roles and responsibilities of men and women lie.

In December 2010, World Vision Vanuatu officially launched and handed over 7 water supply systems to 7 communities in the North West Santo Island in Vanuatu.

The occasions were witnessed by representatives from World Vision Vanuatu, Sanma Provincial representatives and members of the communities in Vanuatu.

Working through many challenges including access to many project areas in the islandlessly to ensure completion of project, the 3-year project began in 2008 to assist bring safe drinking water to 7 communities in North West of Santo Island, Vanuatu. Many community members were emotional during the hand over ceremonies and thanked World Vision for providing much needed water to their communities.

The launching program began on 15 December at Betani community and ended with the largest community of Vunavae on 17 December where the final water supply system was lunched and handed over to the community.

The ceremonies ended with feasting and word of thanks to World Vision.

"I want to sincerely thank WV Australia through WV Vanuatu to have responded to our 40-year cry for water to be supplied near their homes," Chief Robinson said during the hand over ceremony in Lajmoli.

The village chief continued to talk about how people had to carry water in long bamboo poles that took them an hour each day. He became emotional when he recalled the plane crash of December 9, 2009 that saw three project staff survive and determined and even courageous enough to return to the project site to complete the project.

In Betatwat community the water supply system was also launched and handed over to the water Management Committee (WMC) to manage.

World Vision Vanuatu Country Program Manager Simon Boe said the standard of work done on the ground in the construction of the water supply systems was good as all pipe lines laid were buried to standard with the tap stands done well with soak-aways to prevent water locked.

Mr Boe said that while most communities had Ventilated Improved Pit (VIP) toilet demonstrations erected, a few communities needed more supervision to complete the project. He said only one type of toilet was also shown and alternative models should be encouraged to give communities a choice to construct on their own and that the Water Management Committees still require follow-up visits and encouragement to take responsibility to care for and maintain the water



systems.

According to a report by Jocelyn Loughman, World Vision's Vanuatu Program Officer, there have been positive behavioural change through the WASH project, especially in gender relations and reduction in violence at the household and community level because of the project. Women are now included in decision making processes and their labour in collecting water has been reduced and their practical need for water, hygiene and sanitation facilities satisfied.

"I was really struggling to get water from the creek at the coast and our toilets were in very poor standards but now we have water here and better toilets and they are much closer to our houses," a woman from Lenaken village said.

"Water and sanitation information helped improve our lives. It also helped strengthen our relationship in our home, especially family, because we now share responsibility. In the community, we now work more closely together."

"Water has solved family conflicts, especially violence in homes because most violence happens just because of laziness to fetch water by men. Now we can see happiness in the home, just because of availability of water. Most of the fighting is only about water," this happy woman said.

According to World Vision Vanuatu, recognition of women's hard work and contribution in the community and in other community work was strongly recognised and valued by men through the WASH projects. This recognition, plus the new value they placed on women's contributions, saw an increased respect from men for women – and this led to

valuing their voice in decision-making.

Other positive changes are that men saw women as trustworthy in contributing to community events and labour and both parties noted that women were the first to respond to calls for community meetings and work and had prioritised water and sanitation.

Women also took on leadership roles for the first time in their communities, resulting in increased confidence and a sense of individual achievement.

Women's inclusion in committees and decision making processes increased space and support for women's voice to be heard at community level and created some important "firsts" in increasing recognition of women's right to have a voice in decision-making.

"I was elected to the committee and am very proud. It is unusual to have a woman on a committee and contribute to decisions. I feel more respected by my husband, my status has improved and I am taking more of a leadership role also in the religious group of which I am a part. In my family the relationship is improved and I am happier," said a female water committee member.

Many of the changes such as inclusion of women in decision-making processes and reduction in physical violence associated with disputes over water management were only the first steps towards empowering women and shifting men's attitude to enable more equal relationships.

In Bougainville, World Vision's WASH projects have showed a shift in behavioral change for the better, especially in keeping with simple health practices which ultimately save lives.

"Mipla save kisim taim stret taim project ino stat yet. Na taim drai sisen, mipla save painim had mo yet" (It used to be very hard on us before the project started and when the dry season came, it was worse) said mother of two Julie Lasin as she keeps looking toward the fire that she had just lit to cook the family's lunch.

"The first thing that we had to do when we woke up each morning was to go to the nearest creek to fetch water for the day," the 42 year old Bougainville mother said.

"After we collect water and return home, we can continue to do other things like go to the garden or clean around the house. It usually took us an hour or more to go to the creek and return home with pots and containers of water."

For Julie and many other mothers in Navuanek Village on Buka Island, walking long distances to collect the family's water each day has passed, thanks to World Vision's "Wara Em Laip Bilong Yumi" Water, Health and Sanitation (WASH) Project.

The change is evident as I sat talking with some mothers and their children and grandchildren during a recent visit.

Julie's husband Herman says the gravity fed water system to his village and community has helped families tremendously, especially the mothers and the children.

"Our children were small and it was hard for them too, walking long distances to fetch water and return home each day. Normally, we make two trips each day to collect water," he said.

"Now I don't see many families go to the health centres with sick children. There's no more diarrhea and malaria and our village is kept clean. Families use the ventilated improved pit (VIP) toilets that were built and get water right here in the village," Herman said.

Herman and wife Julie are now happy.

"Our children in their village are no longer late for classes. In the past they have to wake up each day and walk some distances to the nearest creek to bath and then return home and wait for their mothers who were also returning from the creek to prepare their breakfast to have before they head off to school each day," said Herman.

In Gagan 4, another community an hour's drive away from Nabuanek village I met soft spoken Anastasia Papi.

This 55 year-old Buka woman with 7 grown up children and 12 grandchildren told me that the project has made a big difference in their homes and community. Villagers are more aware of the hygiene practices and see this is necessary for improved health and prevention of waterborne diseases in their homes.

"There's no more diarrhea and the children as small as 3 year olds are keen to use the toilets. Sometimes, when one child is going, the rest want to go to. Even our people from other communities or villages who visit us in Gagan are interested in what we have here because they see it has helped us greatly," Anastasia said.

# Rural communities of Sumgilbar LLG receive First Aid Training

Not many people in rural communities have first hand information and knowledge on how to treat various casualties in their own communities.

The Community Based Disaster Risk Management project based in Bogia, Sumgilbar LLG conducted trainings on 'Community based First Aid trainings' and Disaster Risk Tools training'. A total of 65 participants took part in the training.

The training held was for the 65 volunteers or village lead persons to identify potential hazards, their vulnerabilities and capacities within their own village context in the event of natural disasters. With the first aid training, the participants were trained on how to attend to casualties such as bleeding, broken bones and assist in delivery of babies. Most of the participants have put into practice what they have learnt by helping their communities.

The 65 lead persons graduated with



Women from Yukyuk community (Karkar) having a discussion on their health issues

First Aid certificates and 2 first aid kits which would assist them in their communities.

Apart from these, project officers are working closely with these lead persons to implement project activities at the com-

munity level. The village lead persons are now leading their communities to conduct awareness, working with village leaders to address vulnerabilities and encouraging communities to carry out mitigation exercises along their sea fronts.

During awareness made, the communities were encouraged to identify their safe place, safe routes, aware of the hazards and the early signs they could see for a possible tsunami, cyclone and impacts of sea level rise.

The project communities have shown appreciation that they now have access to basic information about various natural events. This is very important, because during these events most people will not know how to deal with health issues and with the first aid training, there are already people in the communities that have been trained to treat people with minor injuries.

## Using Community Led-Total Sanitation (CLTS) Approach to trigger communities to build toilets

Toilet has been seen as an important component for the Water, Sanitation and Hygiene (WASH) project in Sumkar district of Madang province.

The community led-total sanitation (CLTS) approach that was facilitated was basically on toilet construction, where the emphasis was focused on the impacts of open defecation.

The participating communities have been cooperating well with the WASH team in all

the activities. Participants were also honest, when asked where they defecated. Some who didn't have toilets admitted that they didn't have toilets and used the bush as their place for defecating. Some participants expressed shame when walking through various areas where there were excreta.

The last activity, 'Glass of Water', triggered the mindset of many of the participants that through open defecation, excreta are carried back into their homes by flies or even people

themselves if they do not wash their hands after going to the toilet.

The only solution the participating communities came up with was to build toilets which were the only way to avoid flies carrying excreta into homes and contaminating food and water with germs.

Positive feedbacks from two participants from Yukyuk community, Kaison Yobiag and Jerry Konab said the training facilitated by the World Vision officers has now made

them realize the impact of open defecation and how important it is to have toilets.

Kaison and Jerry said there has been a lot of verbal awareness done by the health issues, telling communities to build toilets but so far no demonstrations have been done so that the people and communities may understand why it is important to have toilets.

The CLTS approach has changed the mindset of the people, that building of toilets is very important.

## Water brings change to mothers and children in Bougainville

■ cont'd from page 24

"I don't feel sick anymore as I drink clean water all the time. Before I came here and when my mother was teaching in another place, I used to get sick a lot," said Anastasia's 10 year old granddaughter Elaine Inu.

"It made us really think about our family's and community's health. Mothers even make scones and donuts to sell and the money they make is used to buy household items such as soap and dishwashing paste for their homes," Anastasia said.

We encourage families to plant grass around their homes so they don't have mud all over and also learn to keep their homes clean by tidying up their yards and plant flowers around their homes.

Anastasia told me how her late husband George worked with World Vision and mo-

tivated and mobilized his community to build toilets and to ensure they were eligible to get water tanks set up near their homes.

"Hygiene promotion was encouraged in the community and villagers were educated to keep their homes clean including their kitchen areas, fill up tippy-taps outside each toilet and to use these tippy-taps after using the toilet each time," said World Vision Bougainville staff Celestine Magi.

Family members from surrounding communities have also seen the benefits and change the project has brought.

"It's a lessons learnt for us so we can do better the next time such an opportunity is presented to us," said 68 year-old Mark Aboen.

The ex-school teacher of 21 years was fully supportive of the project after seeing how it contributed to behavior change and

attitudes in families of Gagan 4.

The end of project evaluation of 'Wara Laip Bilong Yumi' indicated decreased rates of diarrhea among young children (0-5 year olds).

These figures are in comparison with World Vision's 2008 baseline household survey data. Figures given include a reduction from 48% to 11% in Gagan, 52% to 35% in Noupan, 43% to 8% in Navuanek, 17% to 8% in Petats and 18% to 12% in Pororan.

The report also stated that 80% of women reported improvements in their families' lives due to increased access to water and sanitation facilities. There is also increased use of VIP toilets from 0% to 63% in Noupan, 10% up to 45% in Nabuanek, 5% up to 100% in Gagan and 0% up to 11% in Petats Island.

In total, close to 100 VIP toilets were constructed in these communities, over 20 water tanks set up with one gravity fed water system accompanied by 9 tap stands built. About 30 hand-washing facilities were also installed in the communities.

Tippy tap construction (hand-wash facilities) is low, though many toilets are near homes and people wash their hands in basins or at taps on tanks or tap stands.

The 'Wara Laip Bilong Yumi Extension Project' is a water and sanitation project targeting five communities in the southern island of Buka including two islands off the coast of Buka, in the Autonomous Region of Bougainville. The ANCP/World Vision Australia funded project began in July 2008 benefiting an estimated 4,346 number of people, representing almost 10% of the estimated Buka population of 45,000.



# Raibus Limited bai bringim lait long Usino maus-rot

James Kila i raitim

OL MANMERI olsem ol pasindia long ol PMV bas husat i save ron long Ramu Haiwe i go kam long Madang klostu taim bai lukim sampela nupela developmen o senis i kamap long maus rot maket long Usino.

Usino maus-rot i gat maket we ol lokal pipel bilong Usino na ol ples klostu i save go salim taro, banana, kulau, ol kumu, buai, daka na simuk na tu ol arapela samting long sevim ol manmeri husat i ron i go kam long bas long Madang. Dispela em ples bilong malolo na stretim bodi bihain long longpela rot long ol maunten i go long Madang.

Wanpela plen i kamap pinis long bringim kamap kala na gutpela developmen long dispela eria long Usino maus-rot we i stap long ruel eria Usino-Bundi distrik long Madang provins.

Plen ya em long wokim kamap wanpela bisnis senta long helpim ol manmeri husat i go kam long Ramu Haiwe rot i go long



**WOK DEVELOPMEN: Eksekutiv Vais Presiden bilong Ramu NiCo Menesmen (MCC) Limited, Gu Yuxiang i givim toktok long seremoni long Usino. Foto: JAMES KILA**

Madang, Lae na ol Hailans provins.

Plen long kamapim wanpela nupela senta em tingting bilong jeneral menesa bilong Raibus Sekuriti Sevises, William Bartley.

Mista Bartley i kamap wantaim dispela gutpela tingting na i tokaut long tingting bilong em long Raibus Limited na ol lain Gapore na Gasi papagraun, em tupela traib husat i papa bilong graun em Usino mausrot maket i stap nau long en.

Raibus Limited em wanpela ambrela kampani bilong Ramu NiCo papagraun, na Raibus Sekuriti Sevises Limited em han kampani (subsidiari) bilong Raibus Limited.

Ol dispela developmen bai i kamap bihain long ol lain papagraun i bin sainim wanpela Memorandum ov Andastending (MOU) wantaim Raibus Limited long mun Disemba 2010.

Eksekutiv Vais Presiden bilong Ramu NiCo Menesmen (MCC) Limited, Gu

Yuxiang i stap long lukim ol lain i sainim MOU.

Raibus Limited is givim wanpela sek mani mak olsem K20,000 i go long ol Gagi papagraun, em ol bai yusim long rejista wanpela inkoporetet len grup na bai wok olsem subsidiari bilong Raibus Limited.

Mista Gu i tok amamas long Raibus Limited long mekim wok bisnis bilong en i go bikpela na givim sans long ol lokal pipel long Usino long kisim mani long helpim sindaun bilong ol.

Mista Gu i tok stret long Raibus Limited na ol pipel olsem Ramu NiCo, husat em menesa bilong Ramu Nikel projek bai helpim long sait long developmen, tasol dispela i stap long wanem taim operesin bilong Ramu Nikel projek i statim wok bilong en.

Jeneral Menesa bilong Raibus Limited, Peter Kambu i tokim ol lokal pipel bilong Usino olsem dispela nupela bisnis i no min olsem kampani bai baim graun long ol pipel. Nogat, em bai helpim long statim bisnis long helpim ol lokal pipel.

# Pasifik komyuniti bai bunigim hevi bilong kaikai

HEVI bilong Klaimet Senis i mekim komyuniti long ol Pasifik Ailan kantri i sot long kaikai.

Na em i wok bilong gavman bilong wan wan ailan kantri long tokim ol manmeri long samting ol i mas mekim long strongim ol.

Dispela em tok bilong Alekim Sisifa, Dairekta bilong Sekretariat bilong Pasifik Komyuniti Len Risoses Divisen long Samoa long kibung bilong Pasifik Ailan Kantri we i kamap long Mosbi i no long taim i go pinis.

Em i tok Saut Pasifik i gat 22 ailan kantri we namba bilong ol manmeri i stap olsem 9.5 milion husat i stap long mak bilong graun olsem 550,000 skuea mita.

Long dispela Papua Niugini wantaim ol arapela Melanesia kantri i gat olsem 90 pesen hap bilong graun.

Na planti bilong dispela ol graun em bilong mekim wok agrikalsa na forestri.

Narapela hap graun i namel long ol ailan kantri long Polinesia na Maikronesia.

Long hevi bilong Klaimet Senis planti ol ailan kantri long Polinesia na Maikronesia bai bung taim nogut o i stat pinis long bung dispela taim long sot long graun.

"Hat bilong san bai go bikpela o aiwara bai karamapim ol graun."

"Kaikai bai i no inap kamap gut na graun bai sot long mekim gaden."

"Em i wok bilong ol gavman long soim ol manmeri long wanem samting ol i mas planim long hatpela graun."

"Ol kaikai olsem tapioka i gutpela long planim long taim bilong san," Mista Sisifa i tok.

Em i tok long hevi bilong sot long graun em i wok bilong ol gavman long kisim ol manmeri long wanpela ples na go long narapela hap we ol i painim gutpela graun long stap.

"Klaimet Senis i no hevi we bai kamap tasol i kamap pinis long sampela hap bilong mipela na olsem ol gavman i mas helpim ol manmeri long ples bilong stap.



**TENK YU TRU: Deputi Hai Komisina, John Feakes i givim Herman Kisokau Setifiket IV long Gavman Investigesen long opis bilong Australia Hai Komisen, Mosbi. Foto: AHC MIDIA**

AUSTRALIA Piseris Menesmen Atoriti (AFMA) nau long dispela taim i skulim sampela piseris opisa long kamapim gutpela wok. Program i bilong strongim wok piseris long rijen tu, moa long wok bilong NFA long kisim na lukautim pis na salim pis long gutpela kwaliti long ovasis maket. Wantaim dispela wok em long raun, was na banisim solwara bilong kantri long ol stilman i no ken kam insait na stilim pis bilong mipela. Dispela program i stat long 2009 na i lukim sampela ol opisa bilong AFMA na NFA i senisim wok, save na tingting. Mista Kisokau i wanpela bilong ol NFA opisa husat i no longtaim i pinisim kos bilong em na kisim Setifiket IV aninit long toktok bilong Gavman Investigesen.

# NFA helpim Hula pisaman long ka

HEVI bilong lukautim pis long ais na bihain salim long maket nau i no moa wari bilong ol pisaman bilong Hula, Sentral provins.

Dispela gutpela mak i kamap bihain ol as ples manmeri i kisim frisa na Nesenel Piseris Atoriti (NFA) i helpim Hula Piseris Asosiesen long Hula viles long las wik Fraide.

Long taim bilong givim ka long asosiesen, NFA Menesing Dairekta, Sylvester Pokajam, i tok dispela ka i wanpela bilong ol ka em atoriti i wok long givim i go kam long ol lokal pisaman long kantri.

Em i tok NFA i gat gutpela tim nau long kamapim wok na i lukluk long stretim sampela hevi bilong ol, i no long nambis tasol long bus wantaim we ol i mekim pis pon long lukautim pis.

"Mipela i givim kain kar i go long wanpela grup long Is Sepik, Madang, Morobe na nau yupela i lukim namba foa i kam long yupela.

"Bihain long dispela mipela bai givim wanpela long grup long Is Nu Briten na narapela long Isten Hailans.

"Mipela i gat nesenel piseris zon we long Pasifik, mipela i gat bikpela zon we i gat bikpela namba bilong tuna pis.

"Na long wan wan nambis, mipela i gat planti ol solwara na basis we mipela i no save long lukautim na was gut long pis bilong mipela.

"Mipela i stap nating, kisim pis na kaikai tasol.

"Dispela pasin mipela i mas senisim na traim lukautim gut pis bilong mipela.

"Pis we mipela i mas kaikai, mipela i kisim na we mipela i mas lusim bek long solwara, em mipela i mas lusim," Mista Pokajam i tok.

Em i tok em i hat tru tu long kisim pis na putim gut long wanpela ples bipo long salim.

"Long dispela as mipela i traim long helpim ol manmeri bilong Papua Niugini bai ol i ken salim gut pis na kisim wan sling long sapotim laip bilong ol.

Em i tok ol manmeri long Hula i laki long wanem ol i gat inap manmeri long Mosbi siti husat i gat laik long baim pis.

Moa yet kamap bilong PNG LNG projek bai kamapim bikpela laik long kaikai pis.

Dispela nau i ken mekim isi long ol i salim pis bilong ol.

Pokajam i tok NFA i baim ka long Siapan na givim long wan wan ol grup.

Em i givim tu K50,000 long helpim ol i kamapim piseris projek bilong ol.

Long bekim Pala Api, Siaman bilong Hula Piseris Asosiesen i tok kain helpim NFA i givim i bikpela samting tru.

Em bai helpim ol pisaman long Hula long go moa yet long wok pis na strongim laip bilong ol.

"Dispela kar i bikpela samting long asosiesen na olsem ol manmeri long Hula i amamas.


"Mipela bai mekim olgeta samting long lukim olsem kar i stap gut.

"Taim kain pasin i kamap, kar bai lukautim ol manmeri gen," Mista Api i tok.

Na Distrik Edministreta, lobu Lalaivaina, i tok em i amamas long kamap bilong HFA na dispela i bihainim Rigo Distrik Faiv (5) Yia Developmen plen 2010 i go long 2014.

"Mipela i mekim plen pinis long kamap bilong ol kain wok olsem long distrik bilong mipela na dispela i namba wan long ol.

"Narapela ol program bai kamap long Hood Lagoon, Keapara, Alukuni na Karawa ples, namba tru bai kamap long Gabagaba na namba foa na faiv bai kamap ol nambis bilong Rigo.




**PUNDAUN:** Hekari pilaia, Andrew Lepani wel na i putim pes bilong em i go klostu tru long bal. *POTO: Andrew Molen/ Wantok.*




**SEKIM:** Wanpela soka ofisol i sekim net bilong gol bipo long NSL gem i stat long Sarere las wik Sarere. *POTO: Andrew Molen.*



**RONIM BAL:** Ian Yanum bilong Hekari United i abrusim Cyril Muta bilong Stars long go putiom nbamba tu gol bilong em long gren fainol long Sande las wik. *POTO: Andrew Molen.*




**COWBOY:** Wanpela man i kalap long hos na raunim pilai graun long Mosbi bipo long stat bilong NSL gren fainol las wik Sarere. Em i raun wantaim wanpela plak bilong mama sponsa, Telikom. *POTO: Andrew Molen.*



**KIK:** Lee "Flash" Garap i wok long redi long planti ol Muay Thai pait bilong em dispela yia. Em i lukluk long pait long tripela taitol dispela yia tu. *POTO: Andrew Molen.*

# Namba wan pait gem



TETE i gat planti kain pait spot i kamap tasol yumi ken tok olsem boksing em i nambawan pait gem yet insait long wol.

I gat tupela kain boksing pilai stap nau, wanpela em amata boksing (amateur boxing) na narapela em profesenal boksing (professional boxing).

Ol amata boksa i no save pait long mani na i save pilai makim kantri bilong ol long ol tonamen olsem Komonwelt na Olimpik gems.

Long profesenal boksing, ol boksa i save pait long mani na tu ol i no save pait long ol bikpela tonamen olsem Komonwelt na Olimpik Gems.

Save, trening, strong na stail bilong pait bilong profesenal boksing em i antap moa tu long ol amata boksa.

Ol amata boksa i save putim karamap long het bilong ol taim ol i pait na tu ol pait bilong ol i no save kamap long taim tumas olsem ol profesenal.

Plantu ol boksa i save pait long amata level pastaim long kisim ekspirians na save bipo ol i lusim na go kamap profesenal.

## Histri bilong boksing

Boksing em i wanpela olupela spot tru. Plantu ol wok painim aut i soim boksing i kamap long taim bipo long Isip (Egypt), Gris (Greece) na namel long Yurop na Afrika.

Long dispela ol wok painim aut, i gat bilip olsem boksing i bin stap inap olsem 3, 000 BC (bipo long Jisas Krai).

Boksing long bipo i no olsem nau, yumi save olsem ol lain long bipo i nogat han glav na kain ol karamap bilong het n apes olsem nau.

Long taim bilong ol Gris na Rome, ol i save kolim dispela gem olsem "Pugilism" we yu bai traim long brukim maus bilong narapela paitman wantaim han bilong yu.

Ol boksing pilai bilong bipo tu i no save kamap insait long ol raun olsem long tete.

Pait i save go inap wanpela paitman i pundaun na i no kirap o i dai olgeta.


Boksing bilong bipo tu i strongpela moa long nau bilong wanem sampela taim ol paitman i save pasim hap rop o han glav wantaim hap nil o ain i pas antap long paitim ol birua bilong ol.

Tasol em i kamap wanpela bikpela spot tru bilong wanem plantu manmeri laikim na i sapotim.

Dispela sapot i mekim boksing i go insait long Olimpik Gems long 688 BC.

I gat ol stori tu olsem sampela kalabus i save pinis na go bek long ples bilong ol taim ol i pait na winim ol boksing pilai bilong ol.

Boksing i bin stop tripela taim, wanpela taim long han bilong Caesar Augustus, narapela taim wantaim Theodosius na narapela aninit long



**MAN NOGUT:** Anthony Mundine em bipo ragbi lig pilai tasol nau i wanpela wol sempion long Australia.

Theodoric the Great.

Klostu em i bin pinis olgeta bihain long kingdom bilong Rome i pinis, tasol em i no dai olgeta.

I bin i gat sampela ol pilai kamap long wanwan hap long graun we i lukim em i gro i go bikpela olsem long nau.

Namba wan boksing pilai tru we i stap long rekot em i kamap long 1681 na namba wan boksing sempion em James Figg husat i winim dispela taitol long 1719.

Long dispela taim inap long nau,



**AINMAN:** Mike Tyson em i wanpela strongpela profesenal hevi wet boksa bilong Amerika na wol.

boksing i kamap wanpela bikpela spot tru wantaim plantu luksave na sapot i kam long olgeta hap.

Bikpela mani save go long kamapim na ronim dispela spot na man husat i winim pait tu i save kisim bikpela luksave na sapot.

## Ol loa na stail bilong boksing

Boksing i stap longpela taim tru na stail bilong pait i tenis plantu taim tru inap long nau we em i kamap olsem spot na tu wanpela kain stail bilong pait autsait long ring tu.

Ol boksing pait i save kamap insait long wanpela ring we i gat 4-pela kona.

Tupela man o meri save pait insait long wanpela gem, wanpela kona em bilong wanpela boksa na narapela em

bilong narapela boksa.

Long win, yu mas traim long paitim gut tru dispela birua bilong yu.

Yu bai kisim gutpela poin sapos han bilong yu i pas gut long bodi o pes na het bilong em.

Sapos em i pundaun na i no inap long kirap gen, yu bai winim pait.

Yu ken win tu sapos em i kisim plantu bagarap na refri, dokta o kosa bilong em i stopim pait long dispela as.

Sapos tupela boksa wantaim i strong na pait i go inap long pinis bilong olgeta



**BIK NEM:** Muhammed Ali em i nambawan hevi wet boksa bilong wol. Em i winim wol taitol tripela taim.

## Boksing long PNG

Boksing em i wanpela bikpela spot tru long PNG bipo long independens long 1975.

Em i wanpela spot we i save bungim olgeta manmeri taim ol i bung long sapotim ol araepla PNG man husat i save pait makim kantri long dispela taim.

Ol boksa olsem Martin Benny, Tony na John Aba, i bin kisim bikpela luksave long gavman na ol asples manmeri bilong PNG taim Australia i bin lukautim PNG long dispela taim.

Dispela ol man i bin ol biknem profesenal boksa bilong kantri tasol bihain long ol, profesenal boksing i bin pinis long PNG na amata boksing tasol i kamap strong.

Long dispela taim tu, plantu ol gutpela boksa olsem Tony Miriks husat i dai pinis, Henry Kungsi, Lynch Ipera na plantu ol arapela i bin kamap.

Ol i karim nem bilong kantri long plantu ol bikpela tonamen olsem long Saut Pasifik Gems, Olimpiks na Komonwelt gems.

Tasol amata boksing tu i bin bungim sampela hevi bilong ol yet na long 2008, profesenal boksing long PNG i bin kirap gen.

Em i ron inap wanpela yia bipo gavman i stopim bihain long wanpela boksa i dai insait long ring.

Dispela hevi stret nau na gavman i kamapim wanpela kaunsil long lukluk na ronim gut profesenal boksing long PNG gen.

Em bai gutpela long lukim profesenal boksing i amap gen bilong wanem i gat plantu gutpela yabngpela boksa i wok long kamap tasol i nogat ples bilong ol long soim ol save na strong bilong ol long dispela olupela spot.

Em i gutpela rot tu long ol i ken mekim sampela mani long lukautim ol yet na long ol arapela long amata level, ol i ken kisim amamas na luksave bilong makim kantri bilong ol na tu lainim wanpela spot we i ken helpim ol long laip bilong ol tu autsait long ring.

Boksing i bungim ol manmeri bilong PNG bipo na sapos em i kamap na ron gut, em bai nap long mekim wankain wantim gen.



WANKAIN: Matai no inap senisim gem bilong em tasol em bai lukaut long noken bungim hevi.

# Matai no nap senis

I GAT toktok olsem strongpela pilai na pasin bilong Steve Matai save givim planti bagarap na hevi long em.

Tasol dispela Manly senta i tok em bai no inap senisim stail bilong em long pilai ragbi lig.

Em i bin kisim mekim save long NRL long las yia we ol i tambuim em long pilai 7-pela gem.

Dispela i lukim Matai bai pilaim namba wan gem bilong em dispela Sarere agensim Cronulla Sharks.

Dispela saspensen i givim em taim tu long orait gut long ol bagarap long bodi bilong em we i lukim em i stap long gutpela fom bilong pilai nau.

Matai nogat gutpela rekot long sait bilong stap long ripot na kisim mekim save long han bilong NRL judiseri.

Em i stap long saspensen planti taim pinis na tu i kisim bagarap na i no pilai planti taim.

Planti taim ol refri save toktok na kros long em long kain gem bilong em, tasol dispela strongpela gem bilong Matai em i wanpela samting we i save kirapim bel bilong ol wanpilai bilong em tu.

"Mi toktok wantaim Des Hasler na em i tok olsem em i no laik mi senisim gem bilong mi.

"Mi save pilai strong wantaim strongpela tingting long kirapim tim bilong mi long win na Des i laikim dispela i stap yet," Matai tok.

"Mi yet tu i no laik daunim tim bilong mi gen olsem na mi bai pilai wankain tasol mi bai lukluk long noken mekim ol samting we bai bagarapim gem bilong mi na tim bilong mi," em i tok.

Matai, 26 krismas, luksave tu long ol samting em i save mekim we i no stret long ai bilong ol refri na arapela

ofisol bilong gem.

"Mi laik pilai strong yet tasol long wankain taim mi no laik daunim tim bilong mi olsem na mi bai no inap senisim gem bilong mi tasol mi bai traime tu long noken brukim ol loa bilong gem," em i tok.

Matai gat strongpela difens we em i no save isi long ol arapela tim pilai na dispela em i wanpela samting we i save strong tim bilong em tu.

"Sampela taim mi save pilim les liklik na dispela i save mekim na mi no save lukaut gut long gem bilong mi," em i tok.

Matai bai kirapim paia bilong em gen dispela wiken tasol i tok em i gat bikpela resis wantaim Will Hopoate long kisim bek ples bilong em long senta.

Hopoate bai pilai long wing dispela wik.

## RAUN 5 DRO

EPRIL 8 - 11, 2011

**Fraide, Epril 8**

**Cowboys**

Vs

**Titans**

7:30pm - Dairy Farmers

**Tigers**

Vs

**Rabbitohs**

7:30pm - SFS

**Sarare, Epril 9**

**Warriors**

Vs

**Roosters**

7:30pm - Mt Smart

**Sharks**

Vs

**Eagles**

7:30pm - Toyota Stadium

**Panthers**

Vs

**Raiders**

2pm - Penrith Stadium

**Sande, Epril 10**

**Storm**

Vs

**Eels**

2pm - AAMI Park

**Dragons**

Vs

**Bulldogs**

3pm - WIN Jubilee

**Mande, Epril 11**

**Broncos**

Vs

**Knights**

7pm - Suncorp Stadium



## FIND THE K1,000 Egg

### How to play

- 1: Guess the location of the egg
- 2: Text grid number to 1999

Example: Text C1 to 1999  
(text letter first then number)



**Tip!**  
You can crack the code below and get the location

**CODE Number: 8733 87865**

Use the phone keypad to crack the code  
Numbers represent letters on your keypad

Call Customer Care on 1551 for more information

**bemobile** mipela bilong yu



## Kutubu Moran spots developmen

TAIM wampela man o meri laik toktok long Kutubu o Moran, hariap tru bai yumi tingting long ges na wel.

Yes, em i tru olsem ges na wel em i kamap bikpela samting long laip na sindaun bilong ol manmeri bilong Kutubu na Moran.

Planti ol manmeri bilong dispela ples husat i papa graun tru, i kisim bikpela mani pinis long taim ol wok i kirap long hap inap long nau.

Planti bilong ol i senisim laip na sindaun bilong ol wantaim dispela ol mani, ol i gat sans long baim na kisim planti ol sevis na samting we ol i save laikim tru long en longpela taim bipo.

Tasol long sait bilong spots developmen, nogat wampela bikpela samting i kamap long Kutubu na Moran.

Kutubu na Moran i gat 9-pela hap o son (zone) we i kamapim dispela tupela ples.

Tasol i nogat wampela gutpela developmen i kamap long spots long dispela 9-pela ples.

Wampela askim yumi ken givim long dispela em; ol i save mekim wanem long ol mani na arapela gutpela risos na samting ol i save kisim long ol wok i kamap long hap?

### Dispela ol samting i go we?

Ol arapela asples manmeri i no lukim o kisim wampela samting i kamap long helpim laip na sindaun bilong ol.

Nau tasol, aninit long nupela kampani, Exxon Mobil, husat i kam long kisim ges na wel long hap, i gat tingting long komyuniti na i laik kamapim sampela spots program long helpim ol.

Dispela kampani luksave olsem spots em i wampela samting we i ken helpim ol manmeri insait long wanwan komyuniti olsem na em i gat strongpela tingting long sapotim ol kain kain developmen wok bilong spots long hap.

Long olgeta hap insait long PNG we em i stap long en, dispela kampani i save wok aninit long komyuniti afeas divisen bilong en long bungim ol manmeri bilong Kutubu na Moran na kamapim sampela developmen bilong spots long hap.

Em i askim PNG Sports Foundation (PNGSF) pinis long stap insait wantaim em long dispela ol program.

Exxon Mobil i nap long long givim ol arapela sapot bilong ol wok i kamap tasol long wankain taim PNGSF i gat ol save bilong mekim dispela kain wok na tupela i ken kamap gutpela wokbung long mekim dispela i kamap.

Taim kampani stap long hap na mekim wok, ol lain i go pas long mekm dispela ol developmen wok i mas yusim gut ol helpim na arapela sapot i kam long en long mekim ol wok i kamap.

Wanem ol gutpela samting i kamap long dispela ol program em bilong ol manmeri bilong dispela tupela ples.

Yu ken askim olsem, wanem kain ol developmen bai kamap long dispela ol program?

I gat planti samting i ken kamap insait long kain gutpela spots developmen program.

Dispela ol samting i ken karamapim sait bilong teknikal save na wok bilong ol spotsmanmeri na ofisol, kamapim ol nupela samting bilong pilai na trening, ol wok insait long komyuniti na arapela bikpela bung na wok we ol spotsmanmeri, klap na ofisol i ken stap insait long en.

Ol teknikal wok i ken lukluk long sait bilong trening bilong ol manmeri long ol spots edministresen wok, ol refri, jas, medikol opisa na kosa o trena tu.

Dispela ol lain bai nap long go aut na kamapim ol pilai, bung na tu moa trening na aweanes long wanwan ples bilong ol.

Ol spots pilai na wok i ken kamap tasol i mas i gat ol gutpela manmeri stap long lukautim na ronim ol gut.

Dispela ol manmeri em ol kain teknikal manmameri husat i kisim kain trening olsem.

Yumi ken tok olsem, dispela ol lain bai go pas long ronim ol spots, olsem ol lida bilong yumi.

Yes, i mas i gat man i go pas olgeta taim.

# Lahanis givim helpim long Red Cross

Sape Metta i raitim

PNGNRL sempion tim, Bintangor Lahanis, i bringim narapela taitel i kam long ol, na dispela em tim i luksave long hevi bilong sampela turangu lain husat i kisim taim nogut long ol bikpela hevi we i rausim ol haus na komyuniti bilong ol (natural disasters).

Tupela Lahanis tim (tim 1 na tim 2) i bin kamapim wampela sariti (charity) na tu seleksen trail gem i no long taim i go pinis long

NSI long Goroka, we ol i makim tu ol pilaia bilong ol husat bai difendim taitol bilong ol taim Digicel Kap salens i kik ov long Mei.

Namba tu bod siaman bilong Lahanis, Himony Lapiso i bin go pas long mekim presentesen bilong K10,000 i go long nambu tu siaman bilong Isten Hailans Provins han bilong Red Cross Brens, Ben Haili.

Em i tok tim i no winim kap na taitol tasol, em i amamas tu long givim lik-

lik helpim tu i go long ol sariti ogenaiesen olsem Red Cross long helpim ol lain husat em ol i stap nau long hevi.

"Long kain taim bilong bikpela hevi, yumi mas lukluk na traim long helpim dispela turangu ol lain," Lapiso i tok long dispela hevi bilong ren na tait wara (flood) long Kwinslan, Australia.

Em i tok long dispela K10,000 – K3, 900 em i kam long ol mani ol i kisim long geit bilong dispela sariti pilai, K5,000

em Lahanis tim i bin givim na K1,1000 em menesa bilong Bintangor Treding Kampani, Tom Pori givim.

Lapiso i tok bod na menesmen bilong Lahanis i kamap wantaim sampela tingting long kamapim kain sariti trail gem namel long Lahanis, Simbu Warriors na Lae Snax Tigers.

"Mipela i redi long pilaim ol bipo long Digicel Kap salens i kik ov tasol mipela i no kisim tok orait i kam bek long dispela tupela tim yet," Lapiso i tok.

# Garap lukluk long tripela taitol

Andrew Molen i raitim

LEE "The Flash" Garap, i lukluk long pait long tripela wol taitol bilong Muay Thai, dispela yia.

Dispela ol taitol em Kwinslan taitol, Pasifik taitol na Wol taitol stret.

Em i no nupela long pait long dispela kain ol taitol bilong wanem em i gat dispela ekspiriens long kik-boksing na masol ats.

Tasol long Muay Thai, em bai namba wan taim bilong em long pait long kwinslan na Paifik taitol.

Em i pait pinis long wol taitol tasol i bin lus long Bruce Macfie.

Nau bai MacFie i helpim Garap long traim na winim dispela taitol bilong wanem Garap bai go stap na trening wantaim em.

Garap i wok hat long pinis bilong las yia yet na i lusim Papua Niugini long Mande dispela wik long go long kisim moa trening long Australia bipo long ol pait bilong em i stat.

"Mi tren hat long las yia bilong wanem mi bin gat sampela pait long dispela taim tasol mi no bin go bilong wanem ol Visa pepa bilong mi no redi hariap," Garap i tok.

Em i tok wok bilong kisim Visa pepa long PNG em i no isi na dispela em i wampela samting we i mekim em i abrusim planti ol pait bilong em long bipo tu.

Tasol long nau, olgeta samting i stret na Garap i tok em i redi long tromoi han na lek gen agensim ol arapela paitman bilong Australia na arapela hap long wol tu.



REDI: Garap i redi long ol salens em bai bungim dispela yia. POTO: Andrew Molen.

"Mi tren hat na lukautim bodi bilong mi na long Australia bai mi kisim sampela moa trongpela trening bipo long mi stat pait," Garap i tok.

Em i tok amamas tu long Coral Seas Golf Limited husat i kamap olsem sponsa bilong em i go long Australia.

"Mipela i lukim Lee olsem wampela yangpela man husat i gat strongpela bilip na tingting long apim nem bilong PNG na dispela i ken helpim tu long pulim planti moa manmeri kam long PNG olsem

mipela i laikim long en," Menesa bilong Coral Seas Golf Ltd, Nathaniel Lepani tok.

Garap i tok amamas tu long Life Gym husat ol i helpim em long trening na tu givim taim long em long i go ovasis long ol arapela trening na pait bilong em.

"Em i gat gutpela save na ekspiriens we em i save yusim gut long helpim ol wok bilong mipela hia long jim na mipela i amamas tu long sapotim em i go long ol dispela pait bilong em," asisten menesa bilong Life Gym, Vesi Chan i tok.

# Lahanis tim redi long Digicel Kap

■ ikam long pes 32

Lahanis tim i stap olsem: Ol olupela pilaia em: Adex Wera, Bernard Warlok, Casy Frank, Chris Hogi, Elvis Dick, George Abba, Glen Nami (Captain), Ishmael Awute, Jackol Huwako, John Arme Gand, John Milla, Joseph Peter, Limu Willie, Nicko Ubile, Nisel Hukuca, Thompson Tereh, Tony Dai, Yapa Kapu, Minaho Goso, Spilo

Mikane na Walter Hasu.

Ol nupela pilaia em: Pasu Avani, Gonzela Urakusie, Wesley Mohukule, Kingsley Rex Jaggie bilong Goroka Lig na Maya Siove, Dickson Pitu, Micah Soboni, na Willy John bilong Kainantu Lig.

Ol opisol em wankain long las yia we lukim, Peter Danga olsem het kosa, John Markham olsem trena, tim menesa em Joe Isaro, dokta em

Gerad Saliens na Tim teknikal opisol em Daniel Nami, asisten kosa em Peter Warilok na Freddy Arinaso em asisten traina.

Tim i stap trening pinis long N.S.I Goroka aninit long lukaut bilong Greg, husat em wampela ekspiriens ovasis kosa bilong Olimpiks husat i stap nau long N.S.I na bai helpim Lahanis.

Digicel Kap resis bai stat long Mei.

## 2011 tenis i kirap



OP: Lonsing bilong tenis program i kamap las wik long Mosbi.

### TENIS program bilong Papua Niugini Tenis Asosiesen (PNGTA) i kirap gen bilong dispela yia.

PNGTA wantaim sapot bilong BSP benk i raunim planti ol provins na ples insait long kantri long 2009 na 2010 we ol i skulim planti yangpela manmeri long ol skul long pilai tenis.

Long las wik Fraide, BSP i putim narapela K150, 000 bilong dispela program long i go het dispela yia.

Program i go pinis long Hailans, Niugini Ailans na tu long sampela hap bilong Momase rijen.

Sif Eksekutiv Opisa (CEO) bilong BSP, Ian B. Clyne amamas long dispela program na i tok ol i laik lukim em i go long planti moa manmeri.

Bank of South Pacific Limited  
PAPUA NEW GUINEA

POTO: BSP

# Lahanis tim redi long Digicel Kap

### Glen Nami i raitim

**SEMPION Ragbi lig tim bilong PNG long Las yia, 2010 Bintangor Goroka Lahanis i redi pinis long difenim taitol bilong ol dispela yia aninit long nupela nem bilong kompetisen, Digicel Kap.**

Digicel i kisim ples bilong Bemobile olsem mama sponsa bilong PMNG NRKL resis nau na nem bilong gem i senis i go long Digicel kap. Long Mande Febuari 21, dispela yia, bihain long olgeta trail gem i bin pinis, ol bod memba bilong Lahanis i holim wampela bung we ol i putim aut nem bilong ol pilaia husat ol bai stap insat long tim long Digicel kap resis dispela yia.

Ol 17 sempion pilaia bilong las yia wantaim narapela 4-pela pilaia husat i bin stap long tim las yia i kisim bek spes bilong ol wantaim 8-pela nupela pilaia. 4-pela em bilong Goroka Ragbi Lig yet na 4-pela bilong Kainantu Lig, husat i bin pilai strong long ol trail gem. Long olgeta yia taim kompetisen i stat sampela yia i go pinis, Lahanis

i no save baim ol pilaia ausait long Goroka. Em i save kisim tasol ol lokol pilaia bilong em long Goroka Lig kompetisen. Nau yet, dispela Tim Lahanis i makim ol pipol bilong Isten Hailans olsem na ol Kainantu i gat pinis sans long soim ol lokol pilaia bilong ol long pilai insait long Digicel kap kompetisen wantaim Lahanis tim.

Bintangor Goroka Lahanis, nau Tim bilong ol pipol bilong Isten Hailans i redi nau wantaim ol pilaia bilong en. Sponsa bilong Lahanis, Simon Sip bilong Bintangor Trading husat i hatwok long mekim Lahanis long win las yia, 2010 i amamas tru long tim bilong dispela yia.

**Moa long Pes 31.**

## NEW HOLLAND TD Series 4WD

- ROP's Canopy
- Gutpela bilong wok agrikalsa
- Nau stap wantaim ol 60, 80 na 90 hp engine
- Trupla New Holland Pawa bilong wokim wok



**BOROKO MOTORS**

